



湘鄉

蕭智漢

雲澤氏纂輯

男秉信册甫氏校

下平聲

七陽

陽成氏

風俗通陽成胥梁晉隱士也昌氏春秋作陽成胥渠漢有諫議大夫陽成公衡功臣表梧齊侯陽成延傳封六代王莽時陽成修獻符命成或作城

歷代名賢

周

陽成胥渠處廣門之宮時趙簡子有兩白騾甚愛之胥渠夜歛門而謁曰主君之臣胥渠有疾醫教之曰得白騾之肝病則止不得則死謁者入通董安于御於側愠曰嘻胥

氏姓譜

卷百五十一

七陽

陽成氏至

羊舌氏

渠也期吾君騾請卽刑焉簡子曰夫殺人以活畜不亦不仁乎殺畜以活人不亦仁乎於是殺白騾取肝以與陽成胥渠無何趙攻翟廣門之宮左七百人右七百人皆先登而獲甲首

陽門氏

禮記陽門介夫之後

羊舌氏

姬姓晉之公族靖侯之後食采於此故爲羊舌大夫

歷代名賢

周

羊舌大夫失其名事晉獻公爲軍尉家語晉平公問祁奚曰羊舌大夫何如對曰其爲人也數變其十直年也廉以不匿其過其二十也仁以喜義其三十也爲晉中軍尉勇

以喜仁其年五十也爲邊城將遠者復親公曰果賢大夫哉每變益上矣子職

羊舌職事景公爲大夫邲之敗也荀林父請死士渥濁諫公免之及林父敗赤狄滅潞公賞林父狄臣于室亦賞渥濁以瓜衍之田曰微子吾喪伯氏矣職說是賞也曰周書所謂庸庸祗祗者謂此物也夫士伯庸中行伯君信之亦庸士伯此之謂明德矣文王所以造周不是過也故詩曰陳錫哉周能施也率是道也其何不濟景公七年公命士會將中軍且爲太傅於是晉國之盜逃奔於秦職曰吾聞之禹稱善人不善人遠此之謂也夫詩曰戰戰兢兢如臨深淵如履薄冰善人在上也善人在上則國無幸民諺曰民之多幸國之不幸也是無善人之謂也及悼公卽位使祁奚爲中軍尉職佐之悼公三年職卒子四曰赤肸鮒虎

氏姓譜

卷百五十一

七陽

羊吾民

二

羊舌赤所謂銅鞮伯華也事悼公悼公三年代職佐中軍尉士句與緇大夫爭田欲攻之問於赤赤曰外有軍內有事赤也外事也不敢侵官且吾子之心有出焉可徵訊也及欒盈之難士句囚赤及其弟肸旣而免之赤之子曰子容

羊舌肸字叔向食邑於楊又曰楊肸悼公時使傅太子彪平公卽位肸爲太傅肸弟虎字叔虎美而有勇力欒盈嬖之平公六年士句逐欒盈殺虎且囚肸人謂肸曰子罹於罪其爲不知乎肸曰與其死亡若何詩曰優哉游哉聊以卒歲知也會祁奚請肸肸免冬公會諸侯於商邱錮欒氏也齊侯衛侯不敬肸曰二君者必不免會朝禮之經也禮政之輿也政身之守也怠禮失政失政不立是以亂也十一年我以孫林父故執衛侯齊侯鄭伯爲衛侯故來公兼

享之賦嘉樂國弱相齊侯賦蓼蕭公孫舍之相鄭伯賦緇衣胥命公拜二君曰寡君敢拜齊君之安我先君之宗祧也敢拜鄭君之不貳也國弱使晏嬰私於胥曰晉君盟主也今爲臣執君若之何胥告趙武武以告公公言衛侯之罪使胥告二君國弱賦轡之柔矣舍之賦將仲子兮公乃許歸衛侯胥曰鄭七穆罕氏其後亡者也子展儉而壹十二年宋向戌欲弭諸侯之兵爲會於未五月趙武至於宋宋人享武胥爲介及楚屈建至將盟楚人衷甲趙武患之以告胥胥曰何害也匹夫一爲不信猶不可單斃其死若合諸侯之卿以爲不信必不捷矣食言者不病非子之患也夫以信召人而以僭濟之必莫之興也安能害我且吾因宋以守病則夫能致死與宋致死雖倍楚可也子何懼焉又不及是曰弭兵以召諸侯而稱兵以害我吾庸多矣

氏姓譜

卷百五十一

七陽

羊舌氏

三

非所患也及盟晉楚爭先歆胥謂趙武曰諸侯歸晉之德非歸其尸盟也子務德無爭先且諸侯盟小國固必有尸盟者楚爲晉細不亦可乎乃先楚人宋公享晉楚之大夫趙武爲客屈建與之言弗能對使胥侍言焉屈建亦不能對也十七年趙武會楚公子圍於號尋宋之盟也公子圍設服離衛事畢趙武謂胥曰令尹自以爲王矣何如對曰王弱令尹強其可哉雖可不終武曰何故對曰強以克弱而安之強不義也不義而強其斃必速詩曰赫赫宗周褒姒滅之強不義也令尹爲王必求諸侯晉少孺矣諸侯將往若獲諸侯其虐滋甚民弗堪也將何以終夫以強取不義而克必以爲道道以淫虐弗可久矣是年冬十一月公子圍弑楚王右尹王子比來奔從車五乘先是秦公子鍼亦來奔其車千乘胥使與秦公子同食皆百人之餼趙武

曰秦公子富胙曰底祿以德德鈞以年年同以尊公子以國不聞以富且夫以千乘去其國彊禦已甚詩曰不侮鰥寡不畏彊禦秦楚匹也十八年韓須如齊逆女齊陳無宇送女致少姜公以其非卿執諸中都少姜爲之請不許少姜卒胙言陳無宇於公曰彼何罪君使公族逆之齊使上大夫送之猶曰不共君求以貪國則不共而執其使君刑已頗何以爲盟主且少姜有辭乃歸陳無宇十九年齊侯使晏嬰請繼室於我公使胙許之旣成昏晏嬰受禮胙從之嬰相與語胙曰齊其何如嬰曰此季世也吾弗知齊其爲陳氏矣公棄其民而歸於陳氏齊舊四量豆區釜鍾四升爲豆各自其四以登於釜釜十則鍾陳氏三量皆登一焉鍾乃大矣以家量貸而以公量收之山木如市弗加於山魚鹽蜃蛤弗加於海民參其力二入於公而衣食其一

氏姓譜

卷百五十一

七陽

羊舌氏

四

公聚朽蠹而三老陳餒國之諸市屨賤歸貴人民痛疾而或煨休之其愛之如父母而歸之如流水欲無獲民將焉辟之箕伯直柄虞遂伯戲其相胡公大姬已在齊矣胙曰然雖吾公室今亦季世也戎馬不駕邨無軍行公乘無人卒列無長庶民罷敝而官室滋侈道殣相望而女富溢尤民聞公命如逃寇讎樂郤胥原狐續慶伯降在阜隸政在家門民無所依君曰不悛以樂恬淫公室之卑其何日之有讒鼎之銘曰昧且丕顯後世猶怠况曰不悛其能久乎晏嬰曰子將若何胙曰晉之公族盡矣胙聞之公室將卑其宗族棧葉先落則公從之胙之宗十一族惟羊舌氏在而已胙又無子公族無度幸而得死豈其獲祖秋七月鄭罕虎來賀夫人且告曰楚人日徵敝邑以不朝立王之故往則畏執事謂寡君有外心不往則宋之盟云進退罪也

寡君使虎布之韓起使胙對曰君若辱有寡君在楚何害
修宋盟也君苟思盟寡君乃知免於戾矣君若不有寡君
雖朝夕辱於敝邑寡君猜焉君實有心何辱命焉君其注
也苟有寡君在楚猶在晉也二十一年韓起如楚送女胙
爲介鄭罕虎游吉勞諸索氏游吉謂胙曰楚王汰侈已甚
子其戒之胙曰汰侈已甚身之災也焉能及人若奉吾幣
帛慎吾威儀守之以信行之以禮敬始而思終終無不復
從而不失儀敬而不失威道之以訓辭奉之以舊法考之
以先王度之以二國雖汰侈若我何及楚楚子欲以韓起
爲闔以胙爲司官以辱我遠啟疆諷楚子楚子乃謝厚爲
韓起禮又欲傲胙以其所不知而不能亦厚其禮二十二
年鄭人鑄刑書胙使詔公孫僑書曰始吾有虞於子今則
已矣昔先王議事以制不爲刑辟懼民之有爭心也猶不

氏姓譜

卷百五十一

七陽

羊舌氏

五

可禁禦是故閑之以義糾之以政行之以禮守之以信奉
之以仁制爲祿位以勸其從嚴斷刑罰以威其淫懼其未
也故誨之以忠聳之以行教之以務使之以和臨之以敬
泄之以彊斷之以剛猶求聖哲之上明察之官忠信之長
慈惠之師民於是乎可任使也而不生禍亂民知有辟則
不忌於上並有爭心以徵於書而徵幸以成之弗可爲矣
夏有亂敢而作禹刑商有亂政而作湯刑周有亂政而作
九刑三辟之興皆叔世也今吾子相鄭國作封血立謗政
制參辟鑄刑書將以靖民不亦難乎詩曰儀式刑文王之
德日靖四方又曰儀刑文王萬邦作孚如是何辟之有民
知爭端矣將棄禮而徵於書錐刀之末將盡爭之亂獄滋
豐賄賂並行終子之世鄭其敗乎胙聞之國將亡必多制
其此之謂乎僑復書曰若吾子之言僑不才不能及子孫

吾以救世也既不承命敢忘大惠夏六月楚公子棄疾來聘報韓起也起之適楚楚人弗逆棄疾及晉竟公將亦弗逆肸曰楚辟我衷若何效辟詩曰爾之教矣民胥效矣從我而已焉用效人之辟書曰聖作則無寧以善人爲則而則人之辟乎匹夫爲善民猶則之况國君乎公說乃逆之二十五年周甘人與闢嘉爭闢田我率陰戎伐潁王使詹恒伯辭於我曰文武成康之建母弟以藩屏周亦其廢隊是爲豈知弁髦而因以敝之后稷封殖天下今戎制之不亦難乎肸謂韓起曰文之伯也豈能改物翼戴天子而加之以共自文以來世有衰德而暴滅宗周以宣示其後諸侯之貳不亦宜乎且王爵桓子其圖之韓起悅乃致闢田反潁俘平公薨事昭公昭公元年楚子召蔡靈侯而殺之圍蔡韓起問於肸曰楚其克乎對曰克哉蔡侯獲罪於其

氏姓譜

卷百五十一

七陽

羊舌氏

六

君而不能其民天將假手於楚以斃之何故不克然肸聞之不信以幸其可再也楚王奉孫吳以討於陳曰將定而國陳人聽命而遂縣之今又誘蔡而殺其君以圍其國雖幸而克必受其咎弗能久矣桀克有緡以喪其國紂克東夷而隕其身楚小位下而亟暴于二土能無咎乎天之假助不善非祚之也厚其凶惡而降之罰也且譬之如天其有五材而將用之力盡而敝之是以無拯不可沒振夏五月周單成公會韓起於戚視下言徐肸曰單子其將死乎朝有著定會有表衣有禴帶有結會朝之言必聞於表著之位所以昭事序也視不過結禴之中所以道容貌也言以命之容貌以明之失則有闕今單子爲王官伯而命事於會視不登帶言不過步貌不道容而言不昭矣不道不共不昭不從無守氣矣魯齊歸薨大蒐於比蒲及莖魯侯

不感朕曰魯公室其卑乎君有大喪國不廢蒐有三年之喪而無一日之感國不恤喪不忌君也君無感容不顧親也國不忌君君不顧親能無卑乎殆其失國三年楚觀從召公子比公子黑肱將爲亂於楚公子比歸韓起問於肸曰子干其濟乎對曰難起曰同惡相求如市賈焉何難對曰無與同好誰與同惡取國有五難有寵而無人一也有人而無主二也有主而無謀三也有謀而無民四也有民而無德五也子干在晉十三年矣晉楚之從不聞達者可謂無人族盡親叛可謂無主無釁而動可謂無謀爲霸終世可謂無民亡無愛徵可謂無德王虐而不忘楚君子于涉五難以弑舊君誰能濟之有楚國者其棄疾乎君陳蔡城外屬焉苛慝不作盜賊伏隱私欲不違民無怨心先神命之國民信之芊姓有亂必季實立楚之常也獲神一也

氏姓譜

卷百五十一

七陽

字吉氏

七

有民二也令德三也寵貴四也居常五也有五利以去五難誰能害之子干之官則右尹也數其貴寵則庶子也以神所命則又遠之其貴亡矣其寵棄矣民無懷焉國無與焉將何以立起曰齊恒晉文不亦是乎對曰齊桓衛姬之子也有寵於僖有鮑叔牙賓須無隰朋以爲輔佐有莒衛以爲外主有高國以爲內主從善如流下善齊肅不藏賄不從欲施舍不倦求善不厭是以有國不亦宜乎我先君文公狐季姬之子也有寵於獻好學而不貳生十七年有士五人有先大夫子餘子犯以爲腹心有魏犢賈佗以爲股肱有齊宋秦楚以爲外主有欒郤狐先以爲內主亡十九年守志彌篤惠懷棄民民從而與之獻無異親民無異望天方相晉將何以代文此二君者異於子干共有寵子國有奧主無施於民無授於外去晉而不送歸楚而不適

何以冀國晉成虜祁諸侯朝而歸者皆有貳心爲魯取鄭
故我將以諸侯討魯胙曰諸侯不可以不示威乃并徵會
告於吳吳子辭還秋七月遂合諸侯於平邱將尋盟齊人
不可胙告於齊曰諸侯求盟已在此矣今君弗利寡君以
爲請對曰諸侯討貳則有尋盟若皆用命何盟之尋胙曰
國家之敗有事而無業事則不經有業而無禮經則不序
有禮而無威序則不共有威而無貽共則不明不明棄共
百事不終所由頃覆也是故明王之制使諸侯歲聘以志
業間朝以講禮再朝而會以示威再會而盟以顯昭明志
業於好講禮於等示威於衆昭明於神自古以來未之或
失也存亡之道恒由是興晉禮主盟懼有不治奉承齊儀
而布諸君求終事也君曰余必廢之何齊之有惟君圖之
齊人懼對曰小國言之大國制之敢不聽從胙曰諸侯有
間矣不可以不示衆八月治兵建而不旃旣而旃之諸侯
畏之公以邾莒愬故不見魯侯使胙往辭曰諸侯將以甲
戌盟寡君知不得事君矣請君無勤魯人對曰君信蠻夷
之訴以絕兄弟之國寡君聞命矣胙曰寡君有甲車四千
乘在雖以無道行之必可畏也况其率道其何敵之有牛
雖瘠債於豚上其畏不死南蒯子仲之憂其庸可棄乎若
奉晉之衆用諸侯之師因邾莒杞鄭之怒以討魯罪聞其
二憂何求而弗克魯人懼聽命甲戌同盟于平邱五年荀
躒如周葬穆后籍談爲介既葬除喪以荀躒宴樽以魯壺
王讓晉不修職貢無彝器籍談歸以告胙胙曰王其不終
乎吾聞之所樂必卒焉今王樂憂若卒以憂不可謂終王
一歲而有三年之喪二焉於是乎以喪賓宴又求彝器樂
憂甚矣且非禮也彝器之來嘉功之由非由喪也三年之

喪雖貴遂服禮也王雖弗遂宴樂以早亦非禮也禮王之
大經也一動而失二禮無大經矣言以考典與以志經忘
經而冬言舉典將焉用之胙卒子楊石初平公射鳩不死
使豎襄搏之失公怒拘將殺之胙聞之夕公告之胙曰君
必殺之昔吾先君唐叔射兕於徒林殪以爲大甲以封於
晉今君嗣吾先君唐叔射鳩不死搏之不得是場吾君之
北者也君其必速殺之勿令遠聞公恟恟乃趣赦之胙見
女叔齊之予撫而泣之曰自此其父之死吾幾與比而寧
君矣昔者此其父始之我終之我始之夫子終之無不可
藉偃在側曰君子有比乎胙曰君子比而不別比德以贊
事比也引黨以封已利已而忘君別也胙嘗見韓起韓起
憂貧胙賀之起曰吾有卿之名而無其實無以從二三子
吾是以憂子賀我何故對曰昔欒武子無一卒之田其官
不備其宗器宣其德行順其憲則使越於諸侯諸侯親之
戎狄懷之以正晉國行刑不疚以免於難及桓子驕秦奢
侈貪欲無藝畧則行志假貸居賄宜及於難而賴武之德
以沒其身及懷子改桓之行而修武之德可以免於難而
離桓之罪以亡於楚夫郤昭子其富半公室其家半三軍
恃其富寵以泰於國其身尸於朝其宗戮於絳不然夫入
郤五大夫三卿其寵大矣一朝而滅莫之哀也惟無德也
今吾子有欒武子之貧吾以爲能其德矣是以賀若不憂
德之不建而患貨之不足將弔不暇何賀之有趙鞅嘗曰
魯孟獻子有鬪臣五人我無一何也胙曰子不欲也若欲
之胙也待交梓可也

羊舌鮒字叔魚平公三年平公合諸侯於平邱鮒攝司馬
次於衛地鮒求貨於衛淫芻蕘者衛使饋胙羹與一篋錫

氏姓譜

卷百五十一

七陽

羊舌氏

九

曰諸侯事晉未敢攜貳況衛在君之宇下而敢有異志芻蕘者異於他日敢請之胙受羹及錦曰晉有羊舌鮒者犢之未退而禁之我以邾莒故執季孫意如旣而歸之意如請從於會士句患之謂胙曰子能歸季孫乎對曰不能鮒也能乃使鮒鮒見意如曰昔鮒也得罪於晉君自歸於魯君微武子之賜不至於今雖獲歸骨於晉猶子則肉之敢不盡情歸子而不歸鮒也聞諸吏將爲子除館於西河其若之何且泣意如懼遂先歸邢侯與雍子爭鄙田久而無成四年理官士彌牟如楚鮒攝理韓起命斷舊獄罪在雍子雍子納其女於鮒鮒蔽罪邢侯邢侯怒殺鮒與雍子於朝韓起問其罪於胙胙曰三人同罪施生戮死可也雍子自知其罪而賄以買直鮒也鬻獄邢侯專殺其罪一也已

氏姓譜

卷百五十一

七陽

羊舌氏

十

惡而掠美爲昏貪以敗官爲墨殺人忌爲賊夏書曰昏墨賊殺皋陶之刑也請從之乃施邢侯而尸雍子與鮒於市仲尼曰叔向古之遺直也治國制刑不隱於親三數叔魚之罪不爲未減曰義也夫可謂直矣楊石字伯石又名楊食我胙之子也頃公十二年祁盈專殺頃公殺盈及食我食我黨盈而助亂也遂滅祁氏羊舌氏

歷代列女

羊叔姬羊舌職之妻叔向叔魚之母也羊舌子好正不容於晉去之三室之邑邑人相與攘羊而遺之不受叔姬曰夫子居晉不容去之又不容於三室之邑不如受之羊舌子受之曰爲胙與鮒烹之叔姬曰不可南方有烏名曰乾吉食其子不擇肉子常不遂今胙與鮒童子也隨大夫而化者不可食以不義之肉不若理之以明不與後二年穰

羊之事發都吏至羊舌子曰吾受之不敢食也發而視之則骨存焉都吏曰君子哉羊舌子不與攘羊之事矣

商邱氏

商大夫食邑於商邱漢商邱成御史大夫商邱子胥高

邑人見列仙傳

梁邱氏

齊大夫食采梁邱景公時有嬖大夫梁邱據

歷代名賢

集

梁邱賀字長翁琅邪諸人也以能心計爲武騎從太中大夫京房受易房淄川楊何弟子也房出爲齊郡太守賀更事田王孫宣帝時聞京房爲易明求其門人得賀賀時爲都司空令坐亭論免爲庶人待詔黃門數入說教侍中以

氏姓譜

卷百五十一

七陽

商邱氏

十一

召賀賀入說上善之以賀爲郎會八月飲酎行祠孝昭廟先毆旄頭劍挺墮墜首垂泥中刃鄉乘輿車馬驚於是自賀筮之有兵謀不吉上還使有司侍祠是時霍氏外孫代郡太守任宣坐謀反誅宣子章爲公車丞亡在渭城界中夜元服入廟居郎間執戟立廟門待上至欲爲逆發覺伏誅故事上常夜入廟其後待明而入自此始也賀以筮有應由是近幸爲太中大夫給事中至少府爲人小心周密上信重之年老終官

梁邱臨賀子也傳父易亦入說爲黃門郎甘露中奉使聞諸儒於石渠臨學精熟專行京房法琅邪王吉通五經聞臨說善之時宣帝選高材郎十人從臨講吉乃使其子卽中駿上疏從臨受易臨代五鹿充宗爲少府

羊角氏

見烈士傳

歷代名賢

周

羊角哀與左伯桃二人爲死友欲仕於楚道阻遇兩雪不得行飢寒自度不俱生伯桃謂哀曰俱死之後骸骨莫收丙手捫心知不如子生恐無益而棄子之能我樂有樹中哀聽之伯桃入樹中而死楚平王愛哀之賢以上卿禮葬伯桃哀夢伯桃曰蒙子之恩而獲厚葬正苦荆將軍冢相近今月十五日當大戰以決勝負哀至期自陳兵馬詣其冢作三銅人自殺下而從之此沒身不負然諾之信也

堂谿氏

風俗通曰吳夫槩王奔楚封堂谿因以爲氏

歷代名賢

氏姓譜

卷百五十一

七陽

羊角氏至

十一

漢

堂谿惠潁川人師事博士琅邪貢禹以明經著聞堂谿典字季度潁川人爲西鄂長歷五官中郎將南陽延篤其弟子也篤欲寫左氏傳無祗典以廢賤記與之篤以賤記紙不可寫傳乃借本諷之糧盡辭歸典曰卿欲寫傳何故辭歸篤曰已諷之矣典聞之歎曰嗟呼延生雖復端木聞一知二未足爲喻若使尼父更起於洙泗君當編名七十與游夏爭匹也

堂邑氏

漢張騫使西域從百餘人堂邑氏二人得還漢堂邑父

梁垣氏

陳留風俗傳周畢公後有梁垣演居大梁之墟子孫田氏焉漢光武時梁垣列字惠伯侍御史梁垣成武陵古

守

皇甫氏

子姓朱戴公之子充石字皇父其後以王父字爲氏漢
輿改父爲甫後漢安定都尉皇甫雋生稜始居安定稜
子彪有八子號八祖皇甫氏爲著姓

歷代名賢

皇甫規字威明安定朝那人也祖父稜度遼將軍父旗扶
風都尉永和六年西羌大寇三輔圍安定征西將軍馬賢
將諸郡兵擊之不能克規雖在布衣見賢不卹軍事審其
必敗乃上書言狀尋而賢果爲羌所沒郡將知規有兵畧
乃命爲功曹使率甲士八百與羌交戰斬首數級賊遂退
卻舉規上計掾其後羌衆大合攻燒隴西朝廷患之規乃

氏姓譜

卷百五十一

七陽

皇甫氏

十三

上疏求乞自劾梁太后臨朝規舉賢良方正對策梁冀忿
其刺己以規爲下第拜郎中託疾免歸州郡承冀旨幾陷
死者再三遂以詩易教授門徒三百餘人積十四年後梁
冀被誅旬月之間禮命五至皆不就時太山賊叔孫無忌
侵亂郡縣中郎將宗資討之未服公車特徵規拜太山太
守規到官廣設方畧寇賊悉平延熹四年秋叛羌零吾等
與先零別種寇鈔關中護羌校尉段熲坐徵後先零諸種
陸梁覆沒營塢規素悉羌事志自奮效至冬羌遂大合朝
廷爲憂三公舉規爲中郎將持節監關西兵討零吾等破
之斬首八百級先零諸種羌慕規威信相勸降者十餘萬
明年規因發其騎共討隴右而道路隔絕軍中大疫死者
十三四規親入菴廬巡視將士三軍感悅東羌遂遣使乞
降涼州復通先是安定太守孫儁受取狼籍屬國都尉李

翁督軍御史張稟多殺降羌涼州刺史郭閔漢陽太守趙
嘉並老弱不堪任職而皆倚恃權貴不遵法度規到州界
悉條奏其罪或免或誅羌人聞之翕然反善沈氏大豪滇
昌飢恬等十餘萬口復詣規降規出身數年持節爲將擁
衆立功還督鄉里旣無它私惠而多所舉奏又惡絕宦官
不與交通於是中外並怨遂共誣規貨賂羣羌令其文降
天子璽書誚讓相屬規懼不免上疏自訟其年冬徵還拜
議郎論功當封而中常侍徐璜左悺欲從求貨數遣賓客
就問功狀規終不答璜等忿怒陷以前事下之於吏官屬
欲賦歛請謝規誓而不聽遂以餘寇不絕坐繫廷尉論輸
左核諸公及太學生張鳳等三百餘人詣闕訟之會赦歸
家徵拜度遼將軍至營數月上書薦中郎將張奐以自代
朝廷從之以奐代爲度遼將軍規爲使匈奴中郎將及奐

氏姓譜

卷百五十一

七陽

皇甫氏

十四

遷大司農規復代爲度遼將軍規爲人多意算自以連在
大位欲退身避第數上病不見聽會友人上郡太守王晏
喪還規錡素越界到下亭迎之因令客密告并州刺史胡
芳言規擅遠軍營公違禁憲當急舉奏芳曰威明欲避第
仕塗故激發我耳吾當爲朝廷愛才何能申此子計邪遂
無所問及黨事大起天下各賢多見染逮規雖爲名將素
譽不高自以西州豪傑恥不得豫乃先自上言臣前薦故
大司農張奐是附黨也又臣昔諭輸左校時太學生張鳳
等上書訟臣是爲黨人所附也臣宜坐之朝廷知而不禹
時人以爲規賢在事數歲北邊威服永康元年徵爲尙書
其夏日食詔公卿舉賢良方正下問得失規對曰天之於
王者如君之於臣父之於子也誠以災妖使從福祥陛下
八年之中三斷大獄一除凶嬖再誅外臣而災異猶見人

清未安者殆賢愚進退威刑所加有非其理也前太尉陳蕃劉矩忠謀高世廢在里巷劉祐馮緄趙典尹勳正直多怨流放家門李膺王暢孔翊潔身守禮終無宰相之階至於鉤黨之釁事起無端虐賢傷善哀及無辜今興改善政易於覆手而羣臣杜口醫畏前害互相瞻顧莫肯正言伏願陛下暫留聖明容受讜直則前責可弭後福必降對奏不省遷規宏農太守封壽成亭侯邑二百戶讓封不受再轉爲護羌校尉熹平三年以疾召還未至卒於穀城年七十一所著賦銘碑讚禱文弔章表教令書檄牋記凡二十七篇

皇甫嵩字義直度遼將軍規之兄子也父節鴈門太守嵩有文武志介好詩書習弓馬初舉孝廉茂才太尉陳蕃大將軍竇武連辟並不到靈帝公車徵爲議郎遷北地太守

氏姓譜

卷百五十一

七陽

皇甫氏

七

時黃巾起亦各爲賊賊殺人以祠天鉅鹿張角稱天公將軍角弟寶稱地公將軍寶弟梁稱人公將軍所在燔燒官府劫掠聚邑州郡失據長吏多逃亡旬日之間天下嚮應京師震動詔勅州郡修理攻守簡練器械自函谷大谷廣城伊闕轅轅旋門孟津小平津諸關並置都尉召羣臣會議嵩以爲宜解黨禁益出中藏錢西園廩馬以班軍士帝從之於是發天下精兵博選將帥以嵩爲左中郎將持節與右中郎將朱雋共發五校三河騎士及募精勇合四萬餘人嵩雋各統一軍共討潁川黃巾雋前與賊波才戰戰敗嵩因進保長社波才引大眾圍城嵩兵少軍中皆恐乃召軍吏謂曰兵有奇變不在衆寡今賊依草結營易爲風火若因夜縱燒必大驚亂吾出兵擊之四面俱合田單之功可成也其夕遂大風嵩乃約勅軍士皆束茭乘城使鏡

士間出圍外縱火大呼城上舉燎應之嵩因鼓而奔其陣賊驚亂奔走會帝遣騎都尉曹操將兵適至嵩操與朱雋合兵更戰大破之斬首數萬級封嵩都鄉侯嵩雋乘勝進討汝南陳國黃巾追波才於陽翟擊彭脫於西華並破之餘賊降散三郡悉平又進擊東郡黃巾卜巳於倉亭生禽卜巳斬首七千餘級討北中郎將盧植及東中郎將董卓討張角並無功而還乃詔嵩進兵討之嵩與角弟梁戰於廣宗梁衆精勇嵩不能剋明日乃閉營休士以觀其變知賊意稍懈乃潛夜勒兵雞鳴馳赴其陣戰至晡時大破之斬梁獲首三萬級赴河死者五萬許人焚燒車重三萬餘兩悉虜其婦孺繫獲甚衆角先以病死乃剖棺戮屍傳首京師嵩復與鉅鹿太守馮翊郭典攻角弟寶於下曲陽又斬之首獲十餘萬人築京觀於城南卽拜嵩爲左車騎將

虎姓譜

卷百五十一

七陽

皇甫氏

十六

軍領冀州牧封槐里侯食槐里美陽兩縣合八千戶以黃初旣平故改年爲中平嵩奏請冀州一年田租以贍卽民帝從之百姓歌曰天下大亂兮市爲墟母不保子兮妻失夫賴得皇甫兮復安居嵩溫卹士卒甚得衆情每軍行輒止須營幔修立然後就舍帳軍士皆食爾乃嘗飯吏有因事受賂者嵩更以錢物賜之吏懷慙或至自殺嵩旣破黃巾威震天下而朝政日亂海內虛困故信都令漢陽閻忠干說嵩曰難得而易失者時也時至不旋踵者幾也故聖人順時以動智者因幾以發今將軍遭難得之運蹈易駭之機而踐運不撫臨機不發將何以保大名乎嵩曰何謂也忠曰天道無親百姓與能今將軍受鉞於暮春收功於未冬兵動若神謀不再計摧強易於折枯消堅甚於湯雪旬月之間神兵電掃封凡刻石南向以報威德震本朝風

聲馳海外雖湯武之舉未有高將軍者也今身建不賞之功體兼高人之德而北面庸主何以求安嵩曰夙夜在公心不忘忠何故不安忠曰不然昔韓信不忍一餐之遇而棄三分之業利劍以揣其喉方發悔毒之嘆者機失而謀乖也今主上勢弱於劉項將軍權重於淮陰如不早圖後悔無及嵩懼曰非常之謀不施於有常之勢創圖大功豈庸才所致黃巾細孽敵非秦項新結易散難以濟業且人未忘王天不祐逆若虛造不冀之功以速朝夕之禍孰與委忠本朝守其臣節雖云多讒不過放廢猶有令名死且不朽反常之論所不敢聞忠知計不用因亡去會邊章韓遂作亂隴石明年春詔嵩迴鎮長安以衛園陵章等遂復入寇三輔使嵩因討之初嵩討張角路由鄴見中常侍趙忠舍宅踰制乃奏没入之又中常侍張讓私求錢五千萬

氏姓譜

卷百五十一

七陽

皇甫氏

七

嵩不與二人由此爲憾奏嵩連戰無功所費者多其秋徵還收左車騎將軍印綬削戶六千更封都鄉侯二千戶五年梁州賊王國圍陳倉復辟嵩爲左將軍督前將軍董卓各率二萬人拒之卓欲速進赴陳倉嵩不聽卓曰智者不後時勇者不留決速救則城全不救則城滅全滅之勢在於此也嵩曰不然百戰百勝不如不戰而屈人之兵是以先爲不可勝以待敵之可勝不可勝在我可勝在彼彼守不足我攻有餘有餘者動於九天之上不足者陷於九地之下今陳倉雖小城守固備非九地之陷也王國雖強而攻我之所不救非九天之勢也夫勢非九天攻者受害陷非九地守者不拔國今已陷受害之地而陳倉保不拔之城我可不煩兵動衆而取全勝之功將何救焉遂不聽國圍陳倉自冬迄春八十餘日城堅守固竟不能拔賊

疲敝果自解去嵩進兵擊之卓曰不可兵法窮寇勿追歸
衆勿追今我追國是迫歸衆追窮寇也困獸猶鬪降虜有
毒况大衆乎嵩曰不然前吾不擊避其銳也今而擊之待
其衰也所擊疲師非歸衆也國衆且走莫有鬪志以整擊
亂非窮寇也遂獨進擊之使卓爲後拒連戰大破之斬首
萬餘級國走而死卓大慙恨由是忌嵩明年卓拜爲并州
牧詔使以兵委嵩卓不從嵩從子鄴時在軍中說嵩曰本
朝失政天下倒懸能安危定傾者惟大人與董卓耳今怨
隙已結勢不俱存卓破詔委兵而上書自請此逆命也又
以京師昏亂躊躇不進此懷姦也且其凶戾無親將士不
附大人今爲元帥仗國威以討之上顯忠義下除凶害此
恒文之事也嵩曰專命雖罪專誅亦有責也不如顯奏其
事使朝廷裁之於是上書以聞帝讓卓卓又增怨於嵩及

氏姓譜

卷百五十一

七陽

皇甫氏

十六

後秉政初平元年乃徵嵩爲城門校尉因欲殺之嵩將行
長史梁衍說曰漢室微弱闖豎亂朝董卓雖誅之而不能
盡忠於國遂復寇掠京邑廢立從意今徵將軍大則危禍
小則困辱今卓在洛陽天子來西以將軍之衆精兵三萬
迎接至尊奉令討逆發命海內徵兵羣帥袁氏逼其東將
軍迫其西此成禽也嵩不從遂就徵有司承旨奏嵩下吏
欲遂誅之嵩子堅壽與卓素善自長安亡走洛陽奔投於
卓卓方置酒歡會堅壽直前質讓責以大義叩頭流涕見
者感動皆離席請之卓乃起牽與共坐使免嵩囚復拜嵩
議郎遷御史中丞及卓還長安公卿百官迎謁道次卓諷
令御史中丞以下皆拜以屈嵩旣而抵手言曰義真構未
平嵩笑而謝之卓乃解釋及卓被誅以嵩爲征西將軍又
遷車騎將軍其年秋拜太尉冬以流星策免復拜光祿大

夫遷太常尋李催作亂嵩亦病卒贈驃騎將軍印綬家屏
一人爲郎嵩爲人愛慎盡勤前後上表陳諫有補益者五
百餘事皆手書毀草不宣於外又折節下士門無留客時
人皆稱而附之堅壽亦顯名後爲侍中辭不拜病卒

皇甫謚

皇甫謚字士安幼名靜漢太尉嵩之曾孫也出後叔父徙
居新安年二十不好學游蕩無度或以爲癡嘗得瓜果輒
進所後叔母任氏任氏曰孝經云三性之養猶不爲孝汝
今年餘二十日不存教心不入道無以慰我因歎曰昔孟
母三從以成仁曾父烹豕以存教豈我居不卜鄰教有所
闕何爾魯鈍之甚也修身篤學自汝得之於我何有因對
之流涕謚乃感激就鄉人席坦受書勤力不忘居貧躬自
稼穡帶經而農遂博綜典籍百家之言沈靜寡欲始有高

氏姓譜

卷百五十一

七陽

皇甫氏

九

尚之志以著述爲務自號元晏先生著禮樂聖真之論後
得風痺疾猶手不輟卷或勸謚修名廣交謚以爲非聖人
孰能兼存出處居田里之中亦可以樂堯舜之道何必崇
接世利事官執掌然後爲名乎作元守論以答之曰或謂
謚曰富貴人之所欲貧賤人之所惡何故委形待於窮而
不變乎且道之所貴者理世也人之所美者及時也先生
年邁齒變飢寒不贍轉死溝壑其誰知乎謚曰人之所至
惜者命也道之所必全者形也性形所不可犯者疾病也
若擾全道以損性命安得去貧賤存所欲哉吾聞食人之
祿者懷人之憂形強猶不堪况吾之弱疾乎且貧者土之
常賤者道之實處常得膏沒齒不憂孰與富貴擾神耗精
者乎又生爲人所不知死爲人所不惜至矣暗孽之徒天
下之有道者也夫一人死而天下號者以爲損也一人生

而四海笑者以爲益也然則號笑非益死損生也是以至道不損至德不益何哉體足也如迴天下之念以追損生之福運四海之心以廣非益之病豈道德之至乎夫惟無損則至堅矣夫惟無益則至厚矣堅故終不損厚故終不薄苟能體堅厚之實居不薄之真立乎損益之外游乎形骸之表則我道全矣遂不仕耽詠典籍忘寢與食時人謂之書淫或有箴其過篤將損耗精神謚曰朝聞道夕死可矣况命之修短分定懸天乎叔父有子旣冠謚年四十喪所生後母遂還本宗城陽太守梁柳謚從姑子也當之官人勸謚餞之謚曰柳爲布衣時過吾吾送迎不出門食不過鹽菜貧者不以酒肉爲禮今作郡而送之是貴陽城太守而賤梁柳豈中古人之道是非吾心所安也時魏郡召上計掾舉孝廉景元初相國辟皆不行其後鄉親勸令應

氏姓譜

卷百五十一

七陽

皇甫氏

二十

命謚爲釋勸論以通志焉其後武帝頻下詔敦逼不已謚上疏自稱草莽臣曰臣以疋弊迷於道趣因疾抽簪散髮林阜人綱不閑鳥獸爲羣陛下披榛採蘭并收蒿艾是以皋陶振褐不仁者遠臣惟頑蒙備食晉粟猶識唐人擊壤之樂宜赴京城稱壽闕外而小人無良致災速禍久嬰篤疾軀半不仁右脚偏小十有九載又服寒食藥違錯節度辛苦荼毒於今七年隆冬裸袒食冰當暑煩煩加以咳逆或若溫瘧或類傷寒浮氣流腫四肢酸重於今困劣救命呼籲父兄見出妻息長訣仰迫天威扶輿就道所苦加焉不任進路委身待罪伏枕歎息臣聞節備不並奏雅鄭不兼御故御于入周禍延王叔虞邱稱賢樊姬掩口君子小人禮不同器况臣糠糲粿之彫胡庸夫錦衣不稱其服也竊聞同命之士咸以畢到惟臣疾疢抱釁牀蓐雖貪明時

懼斃命路隅設臣不疾已遭堯舜之世執志箕山猶當容
之臣聞上有明聖之主下有輸實之臣上有在寬之政下
有委情之人惟陛下留神垂恕更旌瓌俊索隱於傳巖收
釣於渭濱無令泥滓久濁清流謚辭切言至遂見聽許歲
餘又舉賢良方正並不起自表就帝借書帝送一車書與
之謚雖羸疾而披閱不怠初服寒食散而性與之忤每委
頓不倫嘗悲恚叩刃欲自殺叔母諫之而止濟陰太守蜀
人文立表以命士有贊爲煩請絕其禮幣諸從之謚聞而
歎曰亡國之大夫不可與圖存而以草歷代之制其可乎
夫束帛蒺藜易之明義元纁之贊自古之舊也故孔子稱
夙夜強學以待間席上之珍以待聘士於是乎三揖乃進
明致之難也一讓而退明去之易也若殷湯之於伊尹文
王之於太公或身卽莘野或就載以歸惟恐禮之不重豈
氏姓譜

卷百五十一

七陽

皇甫氏

二

吝其煩費哉且一禮不備貞女恥之况命士乎孔子曰賜
也爾愛其羊我愛其禮棄之如何政之失賢於此乎在矣
咸寧初又詔謚爲太子中庶子謚固辭篤疾帝初雖不奪
其志尋復發詔徵爲議郎又召補著作郎司隸校尉劉毅
請爲功曹並不應著論爲堇送之制名曰篤終而竟不仕
太康三年卒時年六十八子童靈方回等遵其遺命謚所
著詩賦誄頌論難甚多又撰帝王世紀年歷高士逸士列
女等傳元晏春秋並重於世門人摯虞張軌牛綜席純皆
爲晉名臣

皇甫方回少遵父操兼有文才永嘉初博士徵不起避亂
荊州閉戶閑居未嘗入城府蠶而後衣耕而後食先人後
已尊賢愛物南土人士咸崇敬之刺史陶侃禮之甚厚王
敦遣從弟廩代侃遷侃爲廣州侃將詣敦方回諫曰吾聞

敵國滅功臣亡足下新破杜駿功莫與二欲無危其可得乎侃不從而行敦果欲殺侃賴周訪獲免廩既至荊州大失物情百姓叛廩迎杜駿廩大行誅戮以立威以方回爲侃所敬責其不來詣已收而斬之荆士華夷莫不流涕

南北

皇甫和字長詣安定朝那人其先因官寓居漢中祖澄南齊秦梁二州刺史父徽字子元梁安定畧陽二郡守魏正始二年隨其妻父夏侯道遷入魏道遷別土勲書欲以徽爲元謀徽曰創謀之始本不關預雖貪榮賞內愧於心遂拒而不許梁州刺史羊靈祐重其敦實表爲征虜府司馬卒和十一而孤母夏侯氏才明有禮則親授以經書及長深沉有雅量尤明禮儀宗親吉凶多相諮訪卒於濟陰太守子聿道以幹局知名位廣平令隋大業初比部郎

氏姓譜

卷百五十一

七陽

皇甫氏

三

皇甫亮字君翼和弟也九歲喪父哀毀有若成人齊肅武起義爲大行臺郎中亮率性任直不樂劇職除司徒東閣祭酒思還鄉里啟乞梁州褒中郎本郡也後降梁以母兄在北求還梁武不奪也至鄴無復宦情遂入白鹿山恣泉石之賞縱酒賦詩超然自樂復爲尚書殿中郎攝儀曹事以參撰禪代儀注封榆中男亮性質朴純厚終無片言矯飾屬有勅下司各列勤惰亮三日不上省文宣親詰其故亮曰一日雨一日醉一日病酒文宣以其恕實優容之杖歷三十而已所居宅澇下標榜賣之將買者或問其故亮每答云爲宅中水淹不洩雨卽流入牀下由此宅終不售其淳實如此以兼散騎常侍聘陳使主以不稱免官後除任城太守病不之官卒于鄴贈驃騎大將軍安州刺史

皇甫玉不知何許人善相人常游王侯家齊文襄自潁川

振旅而還文宣從後玉於道傍縱觀謂人曰大將軍不作物會是道北垂鼻涕者文宣既卽位試玉相術故以帛巾祿其眼而使歷摸諸人至於文宣曰此是最大達官於任城王曰當至丞相於常山長廣二王竝亦貴而各私指之至石動桶曰此弄癡人至供膳曰正得好飲食而已玉嘗爲高歸彥相曰位極人臣但莫反歸彥曰我何爲反玉曰不然公有反骨玉謂其妻曰殿下者不過二年妻以告舍人斛斯慶慶以啟帝帝怒召之玉每照鏡自言當兵死及被召謂其妻曰我今去不還若得過日午時或當得活既至正中遂斬之

皇甫遐字永賢河東汾陰人也累世寒微而鄉里稱其和睦遺性純至少喪父事母以孝聞後遭母喪乃廬於墓側負土成墳復於墓南作一禪窟陰雨則穿窟時霽則營墓晚夕勤力未嘗暫停積以歲年墳高數丈周迴五十餘步禪窟重臺兩雨總成十有二室中間行道可容百人遐食粥枕土櫛風沐雨形容枯悴家人不識當其營墓之初乃有鴟烏各一徘徊悲鳴不離墓側若助遐者經月餘日乃去遠近聞其至孝競以米麵遺之遐皆受而不食悉以營佛齋焉郡縣表上其狀有詔旌異之

皇甫璠字景瑜安定三水人也世爲西州著姓後徙居京兆父和本州中從事大統末追贈散騎常侍儀同三司涇州刺史璠少忠謹有幹畧永安中辟州都督周文帝爲牧補主簿以勤事被知大統四年引爲丞相府行參軍周孝閔帝踐阼爲守廟下大夫長樂縣子保定中爲鴻州刺史入爲小納言累遷蕃部中大夫進驃騎大將軍開府儀同三司璠性平和小心奉法安貞守志恒以清白自處當時

氏姓譜

卷百五十一

七陽

皇甫氏

三

稱爲善人建德三年爲隨州刺史政存簡惠百姓安之卒
官贈交渭二州刺史諡曰恭子諒少知名大象中位史部
下大夫諒弟誕

皇甫誕字元慮少剛毅有器局開皇中累遷治書侍御史
朝臣無不肅憚焉後爲尚書左丞時漢王諒爲并州總管
朝廷盛選寮佐拜誕并州總管司馬總府政事一以諮之
諒甚敬焉及煬帝卽位諒用諮議王頊謀發兵作亂誕數
諫止諒不納誕因流涕以死固請諒怒囚之及楊素將至
諒屯清涼以拒之諒主簿盧毓出誕於獄協謀閉城拒
諒襲擊破之並抗節遇害帝以誕亡身殉國嘉悼者久之
詔贈柱國封安義公諡曰明子無逸嗣尋爲清陽太守甚
有聲稱大業初令行舊爵例除以無逸誠義之後賜爵平
氏姓諱

卷百五十一

七陽

皇甫氏

四

與侯入爲刑部侍郎守右武衛將軍

皇甫績字功明安定朝那人也祖穆魏隴東太守父道周
湖州刺史雍州都督績三歲而孤爲外祖韋孝寬所鞠養
孝寬以諸子墮業督以嚴訓愍績孤幼特捨之績歎曰我
無廷訓養於外氏不能剋躬厲已何以成立深自感激命
左右自杖三十孝寬聞而對之流涕於是專精好學略涉
經史周武帝爲魯公時引爲侍讀建德初轉宮尹中士武
帝嘗避暑雲陽宮時宣帝爲太子監國衛刺王作亂城門
已閉百寮多有遁者績聞難赴之於元武門遇皇太子下
樓執績手悲喜交集帝聞而善之遷小宮尹宣政初錄前
後功封義陽縣男累轉御正下士宣帝崩隋文帝總已績
有力焉加上開府轉內史中大夫進封郡公拜大將軍開
皇元年出爲豫州刺史尋拜都官尚書轉晉州刺史將之

官稽首言陳有三可滅帝問其狀續曰大吞小一也。以有道伐無道二也。納叛臣蕭巖於我有詞三也。陛下若命鷹揚之將臣請預戎行上嘉勞而遣之。陳平拜蘇州刺史高智慧作亂江南州人顧子元等發兵應之。因以攻績相持八旬子元素感績恩於冬至日遣使奉牛酒績遺之。書子元得書於城下頓首陳謝。楊素援兵至合擊破之。拜信州總管。俄以病乞骸骨。詔徵還京師。賜以御藥。中使相望。顧問不絕。卒於家。諡曰安子。偲嗣。大業中位尚書主爵郎。

皇甫無逸字仁儉父誕隋并州總管司馬漢王諒反逼之不從見殺無逸在長安聞變卽號勸人問故對曰吾父生平重節義必無苟免者頃計至果然。時五等廢煬帝嘉誕忠特封無逸平輿侯而贈誕柱國宏義郡公無逸歷清陽氏姓譜

卷百五十一

七陽

皇甫氏

三五

太守治爲天下最再遷右武衛將軍帝幸江都詔居守洛陽帝被殺乃與段達元文都立越王侗及王世充篡棄母妻斬關自歸追騎及無逸顧曰吾有死終不能同爾爲逆解金帶投之地曰以與爾無相困。爭下取由是獲免。高祖以無逸本隋勳舊尊遇之。拜刑部尚書封滑國公。歷陝東道行臺民部尚書遷御史大夫。時蜀新定吏多橫恣人不聊詔無逸持節巡撫得承制除吏。既至黜貪暴用廉善法令嚴明蜀人以安。皇甫希仁儉人也。誣告無逸爲母故。陰交世充帝判其詐斬希仁。遣給事中李公昌馳諭。又有告無逸交通蕭銑者。時無逸與行臺僕射竇璡不協。因表自陳。并上璡罪有詔。劉世龍溫彥博按之。無狀遂斬告者。而璡璉及還帝勞曰比多譖毀。但以正直爲佞人。憎爾無逸頓首謝帝曰卿無負何所謝。拜民部尚書出爲同州刺

史徙益州大都督府長史所至輒閉閣不通賓客左右無
敢出入者所須皆市易它境嘗按部宿民家鏗炷盡主人
將續進無逸抽佩刀斷帶爲炷其廉介類如此然過自畏
慎每上表疏讀數十猶懼未審使者上道追省再三乃得
遣母在長安疾篤太宗命馳驛召還承問憂悸不能食道
病卒贈禮部尚書諡曰孝王珪駁曰無逸入蜀不能與母
俱留卒京師子道未足稱不可謂孝乃更諡良

皇甫鏞字鯨卿涇州臨涇人第進士兄鏞爲相時任河南
少尹見權寵太盛每極言之鏞不悅乃求分司爲太子右
庶子鏞敗朝廷賢之授國子祭酒開成初以太子少保卒
鏞能屬文工詩爲人寡言正色衣冠甚偉不屑世務所交
皆知名士著書數十篇

皇甫湜字持正睦州新安人擢進士第爲陸渾尉仕至工

氏姓譜

卷百五十一

七場

皇甫氏

三

部郎中辨急使酒數忤同省求分司東都留守裴度辟爲
判官度修福先寺將立碑求文於白居易湜怒曰近捨湜
而遠取居易請從此辭度謝之湜卽請斗酒飲酣援筆立
就度贈以車馬縉綵甚厚湜大怒曰自吾爲顧况集序未
嘗許人今碑字三千字三縑何遇我薄邪度笑曰不羈之
才也從而酬之湜嘗爲蜂螫指購小兒斂蜂擣取其液一
日命其子錄詩一字誤詬躍呼杖杖未至嚙其臂血流

皇甫冉字茂政潤州人十歲便能屬文張九齡歎異之與
弟曾皆善詩天寶中踵登進士授無錫尉王縉爲河南元
帥表掌書記遷累右補闕卒有集三卷曾字孝常歷監察
御史有集一卷其名與冉相上下當時比張氏景陽孟陽

宋

皇甫坦蜀之夾江人善醫術顯仁太后苦目疾國醫不能

療臨安守臣張偁以坦聞高宗召見問何以治身坦曰也無爲則身安人主無爲則天下治引至慈寧殿治目疾立愈帝喜厚賜之一無所受令持香禱青城山還復召問以長生久視之術坦曰先禁諸欲勿令放逸丹經萬卷不如守一帝歎服書清静二字以名其菴且繪其像禁中荆南帥李道雅敬坦坦歲謁道隆興初道入朝高宗孝宗問之皆稱皇甫先生而不名坦又善相人嘗相道中女必爲天下母後果爲光宗后

皇甫繼明冀州蓀人父濟汾川令繼明性謹愿善騎射有膂力宋初累官至捧日軍都指揮使後領鄆州觀察使充環慶馬步軍都部署御下嚴肅士卒頗畏憚之嘗力疾護送軍餉而卒

氏姓譜

卷百五十一

七陽

皇甫氏

七

皇甫錄長洲人宏治九年進士任重慶知府生四子冲濬沆濂冲沆同登嘉靖七年鄉薦明年沆第進士又三年濬第進士又十三年濂亦第進士而冲尚爲舉子兄弟並好學工詩稱皇甫四傑

皇甫冲字子浚善騎射好談兵遇南北內訌譟幾策兵統枕戈裸言三書凡數十萬言

皇甫濬字子安初授工部主事改禮部歷儀制員外郎主客郎中在儀制時夏言爲尙書連疏請建儲皆濬起草故言深知濬才比簡官僚遂用爲春坊司直兼翰林檢諍言者論濬改官有私謫廣平通判量移南京刑部主事進員外郎遷浙江僉事大計京官以南曹事論罷邑邑發病卒濬沉静寡與自負高俊稍不當意終日栢對無一言居官砥廉隅然頗操切多忤物故數被讒謗云

皇甫懔字子約初授工部主事母喪除起故官典惜薪厰賈人僞增數罔利懔按其罪賈人女爲尚書文明妾明召懔切責之懔抗言曰公掌邦政縱奸人于紀又欲奪卽官法守邪明爲斂容謝大討謫河南布政司理問密興化同知懔兄弟與黃魯曾省曾爲中表兄弟文懔亦相似其後里人張鳳翼燕翼獻翼並負才名吳人語曰前有四皇後有三張

皇甫斌壽州人先爲興州右屯衛指揮同知以才調遼海衛忠勇有智畧遇警輒身先士卒宣德五年十月勒兵禦寇至密城東峪自旦及晡力戰矢盡援絕子弼以身衛父俱戰死事聞詔有司褒恤

皇甫仲和推州人精天文推步學永樂中成祖北征仲和與袁忠徹扈從師至漠北不見寇將引還命仲和占之言

氏姓譜

卷百五十一

七陽

皇甫氏

二六

今日未申聞寇當從東南來王師始却終必勝忠徹對如之比日中不至復聞之對如初帝命械二人不驗將誅死頃之中官奔告曰寇大至矣時初得安南神曦寇一騎直前即以繳擊之一騎復前再擊之寇不動帝登高望之曰東南不少却乎亟麾大將譚廣等進擊諸將奮斫馬足寇少退俄疾風揚沙兩軍不相見寇始引去帝欲卽夜班師二人曰明日寇必降請待之至期果降帝始神其術授仲和欽天監正英宗將北征仲和時已老學士曹鼐問曰駕可止乎胡王兩尚書已率百官諫矣曰不能也紫微垣諸星已動矣曰然則奈何曰盍先治內曰命親王監國矣曰不如立儲君曰皇子幼未易立也曰恐終不弟立及車駕北狩景帝遂卽位寇之薄都城也城中人皆哭仲和白勿憂雲向南大將氣至寇退矣明日楊洪等人援寇果退一

日出朝有衛士請占仲和辭衛士怒仲和笑曰汝室中妻
妾正相鬪可速返返則方鬪不解或問何由知曰彼問時
適見兩鵲鬪屋上是以知之其占事率類此
皇甫遵道平陽人以儒士擢知歙縣嚴於律已壁立萬仞
始終不可干以私其於臨政不立異不要名而成章之孚
惠澤之被久而愈深秩滿而去

歷代列女

皇甫規妻不知何氏女善屬文能草書時爲規答書記衆
人怪其工及規卒時妻年猶盛而容色美董卓爲相國承
其名聘以駟輜百乘馬百十四奴婢錢帛充路妻乃輕服
詣卓門跪自陳情辭甚酸愴卓使傳奴侍者悉拔刀圍之
而謂曰孤之威教欲令四海風靡豈有不行於一婦人乎
妻知不免厲聲罵曰君羌胡之種毒害天下猶未足邪妾

氏姓譜

卷百五十一

七陽

皇甫氏

元

之先人清德奕世皇甫氏文武上才爲漢忠臣君親非其
趣使走吏乎敢欲行非禮於汝君夫人邪卓乃引車庭中
以其頭懸轆轤樸交下妻謂持杖者曰何不重乎速盡爲
惠遂死車下後人圖畫號曰禮宗云

皇甫氏趙允忠妻夫沒苦節三十餘載撫二子本建本立
皆成家按院翁給匾曰節無汗清

常壽氏

姬姓吳仲雍之後左傳越大夫常壽過

疆梁氏

世本衛將軍文子生慎子會生疆梁因氏疆梁皋秦左
庶子長水校尉

蔣具氏

姜姓英賢傳齊太公子將具之後見國語

將鉅氏

郎將具氏之說也漢藝文志六國時將具子彰著書五篇漢章帝時中謁者將具彌

方叔氏

鼓方叔之後見世本漢方叔無咎功臣新壽侯

長見氏

見姓譜

歷代名賢

閩

長兒子魚智伯囂之時絕智伯而去之三年將東之越道聞智伯囂之見殺也謂御曰還車反吾將死之御曰夫子絕而去之三年矣今反死之是絕屬無別也長兒子魚曰不然吾聞仁者無餘愛忠臣無餘祿吾聞智伯之死而動氏姓譜

卷百五十一

七陽

常壽氏至

三

吾心餘祿之加於我者至今尚存吾將往依之反而死

漢

長兒魯

王史氏

風俗通周宣王太史號王史氏英賢傳周共王生圍圍曾孫滿生簡簡生業業生宰世傳史職因氏焉漢清河太守王史篆生音新豐令藝文志有王史氏後漢侍中王史元庠晉亦有王史氏

王人氏

風俗通王人子突之後因氏焉漢王人宰公安平太守

王官氏

見姓譜周王官無地晉大夫王官子羽楚沃邑大夫

將軍氏

世本衛靈公子昭生子郢郢生文子才芳爲將軍氏周
將軍摻

相里氏

咎繇之後爲理氏商未理徵孫仲師遭難去王爲里至
晉大夫里克爲惠公所戮克妻司城氏攜少子季連逃
居相城因爲相里氏季連元孫勤見莊子韓子云相里
子古賢人也著書七篇漢有河隄謁者相里平又持書
御史相里虎濟陰太守相里祉始居河西前趙錄偏將
軍相里覽梁有相里係孫木住索虜東平王侍郎大通
二年歸化五代上將軍贈太師相里金并州人
王孫氏

歷代名賢

姬姓周王孫滿之後滿頃王孫也

氏姓譜

卷百五十一

七場

將軍氏至

三

周

王孫滿周大夫襄王二十五年秦將襲鄭過周北門左右
兔胄而下趨乘者三百乘王孫滿尙幼觀之言於王曰秦
師輕而無禮必敗輕則寡謀無禮則脫入險而脫又不能
謀能無敗乎秦滅滑而還晉敗秦師於殽定王元年楚子
伐陸渾之戎遂至於雒觀兵於周疆王使王孫滿勞楚子
楚子問鼎之大小輕重焉對曰在德不在鼎昔夏之方有
德也遠方圖物貢金九牧鑄鼎象物百物而爲之備使民
知神姦故民入川澤山林不逢不若螭魅罔兩莫能逢之
用能協於上下以承天休桀有昏德鼎遷於商載祀六百
商紂暴虐鼎遷於周德之休明雖小重也其姦回昏亂雖
大輕也天祚明德有所底止成王定鼎於郊鄩卜世三十
卜年七百年所命也周德雖衰天命未改鼎之輕重未可

問也

王孫說周大夫簡王八年魯成公來朝使叔孫僑如先聘且告見王孫說與之語說言於王曰魯叔孫之來也必有異焉其享覲之幣薄而言誥殆請之也若請之必欲賜也魯執政唯強故不歡焉而後遣之且其狀方上而銳下宜觸言人王其勿賜若貪陵之人來而盈其願是不賞善也且財不給故聖人之施舍也議之其喜怒取與也亦議之是以不主寬惠亦不主猛毅主德義而已王曰諾使私問諸魯請之也王遂不賜禮如行人及魯侯至仲孫蔑爲介王孫說與之語蔑好讓說以語王王厚賄之

王孫賈衛大夫事靈公靈公三十三年晉以公之叛晉屬齊也盟公於剽澤使涉佗成何辱公公怒賈趨進曰盟以信禮也有如衛君其敢不唯禮是事而受此盟也公欲叛

氏姓譜

卷百五十一

七陽

王孫氏

三

晉而患諸大夫賈使次於郊大夫問故公以晉詬語之且曰寡人辱社稷其改卜嗣寡人從焉大夫曰是衛之禍豈君之過也公曰又有患焉謂寡人必以而子與大夫之子爲質大夫曰苟有益也公子則往羣臣之子敢不負羈縶以從將行賈曰苟衛國有難工商未嘗不爲患使皆行而後可公以告大夫乃皆將行之行有日公朝國人使賈問焉曰若衛叛晉五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉

王孫齊賈之子爲衛大夫事出公出公後八年越皋如納出公師侵外州大獲我出禦之大敗掘褚師定子之墓焚之於平莊之上公孫彌牟使齊私於皋如曰子將大滅衛乎抑納君而已乎皋如曰寡君之命無他納衛君而已於是開陣納公公不敢入齊卒諡曰昭

王孫苟吳大夫也爲司馬吳再伐齊苟爲左校敗齊師於
艾陵既退於黃池使苟告勞於周曰昔者楚人爲不道不
承共王事以速我一二兄弟之國吾先君闔廬不費不忍
破甲帶劍挺鉞播鐸以與楚昭王毒逐於中原柏舉天舍
其衷楚師敗績王去其國遂至於郢王總其百執事以奉
其社稷之祭其父子昆弟不相能夫槩王作亂是以復歸
於吳今齊侯任不鑒於楚又不承共王命以遠我一二兄
弟之國夫差不貫不忍披甲帶劍挺鉞播鐸遵汶伐博莒
並相望於艾陵天舍其衷齊師還夫差豈敢自多文武實
舍其衷歸不稔於歲余沿江沂淮闕溝深水出於商魯之
間以徹於兄弟之國夫差克有成事敢使苟告於下執事
王笞曰苟伯父命女來明絡享余一人若余嘉之昔周室
逢天之降禍遭民之不祥余心豈忘憂卹不唯下土之不

氏姓譜

卷百五十一

七陽

王孫氏

三

康靖今伯父曰戮力同德伯父若能然余一人兼受而介
福伯父多歷年以沒元身伯父秉德已侈大哉

王孫圍楚大夫事昭王嘗聘於晉定公饗之趙鞅鳴玉以
相問於圍曰楚之白珩猶在乎對曰然鞅曰其爲寶也幾
何矣曰未嘗爲寶楚之所寶者曰觀射父能作訓辭以行
事於諸侯使無以寡君爲口實又有左史倚相能道訓典
以叙百物以朝夕獻善敗於寡君使寡君無忘先人之業
又能上下說乎鬼神順道其欲惡使神無有怨痛於楚國
又有數曰雲連徒洲金木竹箭之所生也龜珠齒角皮革
羽毛所以備賦用以戒不虞者也所以供幣帛以賓享於
諸侯者也若諸侯之好幣具而道之以訓辭有不虞之備
而皇神相之寡君其可以免罪於諸侯而國民保焉此楚
國之寶也若夫白珩先王之玩也何寶焉圍聞國之寶六

而已聖能制儀百物以輔相國家則寶之玉足以庇蔭嘉穀使無水旱之災則寶之龜足以慮臧不則寶之珠足以禦火災則寶之金足以禦兵亂則寶之山林藪澤足以備財用則寶之若夫諱囂之美楚雖蠻夷不能寶也

寶

王孫大卿見漢書貨殖傳

王孫滑治三禮為博士見陳留耆舊傳

歷代列女

王孫氏母齊大夫王孫賈之母也賈年十五事齊閔王國亂閔王出見弑國人討賊王孫母請賈曰汝朝出而晚來則吾倚門而望汝汝莫出而不還則吾倚閭而望汝今汝事王王出走汝不知其處汝尚何歸乎王孫賈乃入市中而令百姓曰淖齒亂齊國弑閔王欲與我誅之者祈有氏姓譜

卷百五十一

七陽

王孫氏

三

市人從者四百人與之誅淖齒刺而殺之

章仇氏

姜姓本章氏齊公族漢有章弁因避仇遂加仇字唐長安元年石史知貢舉張說下進士章仇嘉勉又隋賜姓盧氏

歷代名賢

隋

章仇太翼字協昭河間人也七歲詣學日誦數千言州里號曰神童及長博綜羣書尤善占候算歷之術隱於自鹿山徙居林慮山茱萸澗受業者自遠而至初無所藉後憚其煩逃於五臺山地多藥物與弟子數人廬於巖下以為神仙可致隋太子勇聞而召之太翼知太子必不為嗣謂所親曰吾拘逼而來不知所稅駕也及太子廢坐法當死

文帝惜其才配爲官奴久乃釋其後目盲以手摸書而知其字仁壽末帝將避暑仁壽官太翼固諫曰恐是行鑿輿不返帝大怒繫之長安獄期還斬之帝至官寢疾臨崩命皇太子釋之及煬帝卽位漢王諒反帝聞之答曰何所能爲未幾諒果敗帝從容言天下氏族謂大翼曰卿姓章仇四岳之胄與盧同源於是賜姓盧氏大兼九年從駕至遼東太翼言黎陽有兵氣後數日而楊元感反自是帝甚異之數加賞賜太翼所言天文之事不可種數關諸秘密時莫能聞後數歲卒於雒陽

書

章仇兼瓊潁川人劍南節度兼西川採訪制置使與大南市創新津通濟堰溉眉蜀二郡田人懷其惠立廟於堰南號宣德公祠復引萬年池水以溉成都民田在蜀八年澤

氏姓譜

卷百五十一

七陽

章仇氏至
臧馬氏至
三五

流萬世

將匠氏

風俗通漢官有將匠少府因官爲氏吳中散大夫將匠或曲陽令將匠熙晉侍御史將匠進梁太末令將匠道李

王子氏

姬姓周大夫王子狐王子城父之後漢王子中同治尚書

揚孫氏

揚晉邑也其先有食於揚者秦有下大夫揚孫氏始皇氏揚孫皓

臧馬氏

見姓譜漢臧馬矢

梁由氏

見姓譜周梁由靡漢梁由是先將軍安帝時人

歷代名賢

周

梁由靡晉大夫與魏射俱事惠公後逮事獻公獻公二十四年里克伐狄梁由靡御魏射為右敗狄於采桑梁由靡曰狄無恥從之必大克里克曰懼之而已無速眾狄魏射曰期年狄必至示之弱矣明年狄果伐我

梁可氏

見姓譜後魏上谷太守梁可頭又代郡太守梁可浪

將閭氏

漢書藝文志將閭子各菟著書

長魚氏

氏姓譜

卷百五十一

七陽

梁田氏至長句氏

三秀

見左傳晉厲公有嬖臣長魚矯

商密氏

楚大夫食采之邑

桑邱氏

漢書桑邱公著書五篇姓纂云今下邳有此姓

羌邱氏

見姓苑

梁其氏

姬姓晉大夫梁其陘之後英賢傳云魯伯禽庶子梁其之後

長勺氏

左傳商人六族有長勺氏

羌憲氏

姬姓衛公族羌子孫憲爲羌憲氏

梁餘氏

晉下軍御梁餘子養之後本衛人

桑扈氏

金天氏以鳥名官故有九扈之官桑扈者九扈之一也

王叔氏

姬姓周襄王之子王叔虎之後

唐孫氏

祁姓堯之裔唐侯子孫仕晉號唐孫氏

臧孫氏

姬姓魯公子彊食邑於臧其後謂之臧孫

臧會氏

姬姓魯大夫臧會之後

氏姓譜

卷百五十一

七陽

羌憲氏至

三七

臧文氏

姬姓魯大夫臧文仲之後

梁石氏

漢隱者梁石君曹參所禮者也

長盧氏

列子楚賢者長盧氏著書

將梁氏

史記秦爲嬴姓有將梁氏

下平聲

八庚

庚桑氏

見莊子

歷代名賢

周

庚桑楚號亢倉子得老聃之道以北居硯礫之山居三年
硯礫大穰硯礫之人相與言曰庚桑子之始來吾洒然異
之今吾日計之不足歲計之有餘庶幾其聖人乎後秦景
王聘至拜居首列師位

京相氏

見英賢傳望出濟南晉京相璠作春秋土地名三卷

彭祖氏

陸終氏之子支孫氏焉

成陽氏

見姓苑漢有安陽護軍成陽恢生調者僕射昇河東人

成功氏

禹治水成功而少子遂以爲姓漢成功恢禹

成紀氏

氏姓譜

卷百五十一

八庚

庚桑氏至

三

見姓譜唐成紀慕仁將軍

成公氏

姬姓衛成公之後以諡爲氏又見說苑

歷代名賢

周

成公趙齊人也宋康公攻阿屠單父趙曰趙今在阿而宋
屠單父是趙無以自立也且往誅宋入宋三月不得見或
曰何不因鄰國之使見之趙曰不可使後世之使不信荷
節之信不用曰何不因羣臣道徒處之士而刺之曰不可
後世之忠臣不見信辨士不見顧吾聞士怒則思理危不
忘義必將正行以求之期年宋康公病死趙曰廉士不辱
名信士不惰行吾在阿宋屠單父是辱名也事誅宋王期
年不得是惰行也生何面目見天下士遂立槁於彭山之

漢

成公敞東海人也為尚書僕射公正勤職通敏於事元壽中詔丞相孔光舉可尚書令者敞以舉故仕為東平太守

三國

成公英金城人也靈帝中平末隨韓約為腹心建安中約從華陰破走還湟中部黨散去惟英獨從時韓遂在湟中其婿閻行欲殺遂以降夜攻遂不下遂歎息曰丈夫危厄禍起婚姻乎謂英曰今親戚離叛人眾轉少當從羌中西南詣蜀耳英曰與兵數十年今雖罷敗何有棄其門而依於人乎遂曰吾年老矣子欲何施英曰曹公不能遠來獨夏侯耳夏侯之眾不足以追我又不能久留且息肩於羌中以須其去招呼故人緩會羌胡猶可以有為也遂從其

氏姓譜

卷百五十一

八庚

成公氏

三九

計時隨從者男女尚數千人遂宿有恩於羌羌護衛之及夏侯淵還使閻行留後乃合羌胡數萬將攻行行欲走會遂死英降曹操操見英甚善以為軍師封列侯從行出獵有三鹿走過前操命英射之三發三中皆應弦而倒操抵掌謂之曰但韓文約可謂盡節而孤獨不可乎英乃下馬而跪曰不欺明公假使英本主人在實不來在此也遂流涕哽噎操嘉其敦舊遂親敬之延康黃初之際河西有逆謀詔遣英佐涼州平隴右病卒

晉

成公簡字宗舒東郡人也家世二千石性朴素不求榮利潛心道味罔有干其志者默識過人張茂先每言簡清淨比楊子雲默識擬張安世後為中書郎時周馥已為司隸校尉遷鎮東將軍簡自以才高而在馥之下謂馥曰楊雄

爲郎三世不徙而王莽董賢位列三司古今一揆耳馥甚
慙之官至太子中庶子散騎常侍永嘉末奔苟晞與晞同
沒

成公綏字于安東郡白馬人也幼而聰敏博涉經傳性寡
欲不營資產家貧歲飢常晏如也少有俊才詞賦甚麗閑
默自守不求聞達時有孝烏每集其廬舍綏謂有反哺之
德以爲祥禽乃作賦美之文多不載又以賦者貴能分賦
物理敷演無方天地之盛可以致思矣歷觀古人未之有
賦豈獨以至麗無文難以辭贊不然何其關哉遂爲天地
賦綏雅好音律嘗當暑承風而嘯冷然成曲因爲嘯賦張
華雅重綏每見其文嘆伏以爲絕倫薦之太常徵爲博士
歷秘書郎轉丞遷中書郎每與華受詔並爲詩賦又與賈
夫等參定律律太始九年卒年四十三所著詩賦雜筆十
氏姓譜

卷百五十一

八庚

成公氏至

罕

餘卷行於世

成公興字廣明自云膠東人也山居隱跡希在人間能達
九章要術

成王氏

華姓楚成王之後漢中郎成王弼唐成王千里中宗時
將

行人氏

周禮大行人也左傳陳行人之儀晉行人燭過

歷代名賢

周

行人燭過晉人趙簡子圍衛之郭犀楯草櫓立於矢石之
所鼓之而士不起簡子投抱曰烏乎吾士之數弊也燭過

免胄而對曰君之不能耳士無弊者昔者吾先君獻公并
國十七服國三十八戰十有二勝是民之用也惠公淫衍
暴亂身好玉女秦人來侵去絳十七里亦是人之用也文
公圍衛取鄴城濮之戰五敗荆人亦此人之用也君不能
耳士無弊者簡子乃去楯櫓立於矢石之所鼓之而乘士
之戰大勝簡子曰吾得草車千乘不如聞行人燭過之一
言也

清尹氏

楚大夫清尹弗忌之後又楚大夫清尹午子叔

精縱氏

姬姓周平王子精別封縱邑因氏

榮叔氏

周大夫榮叔之後韓有大夫榮叔遙

氏姓譜

卷百五十一

八庚

行人氏至

四

精婁氏

見姓苑

平陵氏

史記平陵老之後

嬰齊氏

芊姓楚穆公之子公子嬰齊之後也

行其氏

見姓苑

下平聲

九青

青陽氏

風俗通青陽黃帝子也始得姓焉見國語漢青陽惲東
海太守青陽精東海王國中尉宋青陽相咸平登科蕭
陽回陵井監人元符登科青陽楷永豐尹持江人青陽

欽紹興進士仁壽人青陽泰政和進士鄆縣人青陽完
青陽仲博青陽師魯俱仁壽人

一歷代名賢

元

青陽夢炎丹徒人初仕宋世祖聞其名召至都賜第以居
歷官禮部尚書翰林學士于奎累官同知臨江總管府壁
以廕為揚州通判

青史氏

英賢傳晉太史董狐之子受封青史之田因氏焉青史
子著書見漢藝文志

青萍氏

見姓苑

青牛氏

初平中有青牛先生山東人見魏畧

氏姓譜

卷百五十一

九青

青陽氏至

四

青鳥氏

漢青鳥子善術數青鳥公見神仙傳

洽淪氏

黃帝樂官二名分為四氏所以別族

洽州氏

左傳周洽州鳩之後

丁若氏

姜姓風俗通齊丁公于懿伯食采於若因氏焉丁若堅

高密人晉遂與令

涇陽氏

秦宣太后弟封涇陽君因氏焉漢涇陽驍駙馬都尉

下平聲

十

乘馬氏

漢乘馬延年諫議大夫見漢書溝洫志乘馬敦張掖人

滕叔氏

滕叔繡之後楚考烈王時有滕叔辛

陵陽氏

搜神記陵陽子明止陵陽山得仙其後因山爲氏

陵尹氏

楚大夫陵尹喜陵尹報之後

陵終氏

王莽曾祖翁孺與東平陵終氏有怨

下平聲

十一九

周生氏

見風俗通

氏姓譜

卷百五十一

十蒸

乘馬氏至

四三

歷代名賢

周生豐字偉防太山南武陽人也建武七年爲豫章太守

清約儉惠

國

周生烈燉煌人徵士何晏論語集解有烈義例所注經傳

頗傳於世

周蓋氏

晉孝公時人見英賢傳

周陽氏

漢王淮南王舅趙兼受封周陽侯子由爲河東尉因父封爲周陽氏郭頌世語云魏文帝時有周陽成能占爨

浮邱氏

列仙傳周靈王太子晉游伊洛聞道士浮邱公接上嵩高山漢書儒林傳有浮邱伯荀臧門人

歷代名賢

浮邱伯齊人時魯人申公與楚元王交俱事浮邱伯受詩呂太后時浮邱伯在長安楚元王遣子郢與申公俱卒學

勾龍氏

其工氏之後勾龍為土正今社神也宋紹興御史中丞勾龍如淵永康軍道江人本姓勾芒以避御名改

歷代名賢

宋

勾龍庭實嘉州夾江人政和初進士召為學士院除校書郎後知眉州作通濟渠以溉民田眉州德之刻石記其事

氏姓譜

卷百五十一

十九

浮邱氏至

四

以傳

勾龍慶字昌裔雲陽人開寶初為秘書丞

勾龍傳成都人撰春秋三傳分國記事本末

勾龍驥字文舉壽州人紹興進士與朱熹同師

由吾氏

姓纂云由余之後仕吳子孫入越國因號由吾氏

歷代名賢

南

由吾道榮琅邪人少好道法與其同類相求入長白太山潛隱具聞道術仍游鄒魯之間習儒業晉陽人某大明法術乃尋是人為其家庸力無識之者久乃訪知其人道家將水禁呪陰陽歷數天文藥性無不通解以道榮好尚乃悉授之是人謂道榮云我本恒岳僊人有小罪過為天官

所謫今限滿將歸鄆宜送吾至汾水及河值水暴長橋壞
船渡艱難是人乃臨水禹步以一符投水中流便絕俄頃
水積將至天是人徐自沙石上渡惟道樂見其如是傍人
咸云水如此長此人遂能浮過共驚異之道樂仍歸本部
隱於琅邪山辟穀餌松朮茯苓求長生之秘尋爲齊文宣
追往晉陽至遼山中有猛獸去馬十步所追人驚怖將走
道樂以杖畫地成火坑猛獸遽走俄值國廢道樂歸周隋
初乃卒

侯史氏

風俗通董狐爲晉侯史官因氏焉漢有御史大夫桑宏
羊吏侯史吳

歷代名賢

氏姓譜

卷百五十一

十一

由吾氏至
游水氏

四

侯史光字孝明東萊掖人也幼有才悟受學於同縣劉夏
舉孝廉州辟別駕咸熙初爲洛陽典農中郎將封關中侯
泰始初拜散騎常侍尋兼侍中與皇甫陶荀廙持節循省
風俗及還奏事稱旨轉城門校尉進爵臨海侯其年詔曰
光忠亮篤素有居正執義之心歷職內外恪勤在公其以
光爲御史中丞雖屈其列校之位亦所以伸其司直之才
光在職寬而不縱太保王祥久疾廢朝光奏請免之詔優
祥而寢光奏後遷少府卒官詔賜朝服一具衣一襲錢三
十萬布百匹及塋又詔曰光厲志守約有清忠之節家極
貧儉其賜錢五十萬光儒學博士歷官著績文筆奏議皆
有條理長子元嗣官至元菟太守卒子施嗣東莞太守

游水氏

見姓譜漢游水發根武帝時人

歐陽氏

唐世系表出自姒姓夏少康庶子封於會稽至越王無
疆爲楚所滅無疆子蹄更封於烏程歐餘山之陽爲歐
陽亭侯遂以爲氏後以爲涿郡太守子孫或居渤海晉
頓邱太守建爲趙王所殺兄子質字純之居長沙臨湘
七世族孫景達字敬遠齊本州治中生荔浦令僧寶字
士章僧寶生梁陽山穆公願字靖世願二子統約

歷代名賢

歐陽生字和伯千乘人也事伏生授倪寬寬又受業孔安
國至御史大夫寬有俊材初見武帝語經學上曰吾始以
尚書爲樸學弗好及聞寬說可觀乃從寬問一篇歐陽大
小夏侯氏學皆出於寬寬授歐陽生子世世相傳至曾孫

氏姓譜

卷百五十一

二十九

歐陽氏

四六

高子陽爲博士高孫地餘長賓以太子中庶子授太子後
爲博士論石渠元帝卽位地餘侍中貴幸至少府戒其子
曰我死官屬卽送汝財物慎毋受汝九卿儒者子孫以廉
潔著可以自成及地餘死少府官屬共送數百萬其子不
受天子聞而嘉之賜錢百萬地餘少子政爲王莽講學大
夫由是尚書世有歐陽氏學

歐陽欽字正思樂安千乘人也自歐陽生傳伏生尙書至
欽八世皆爲博士欽旣傳業而恭謙好禮讓王莽時爲長
社宰更始立爲原武令世祖平河北到原武見欽在縣修
政遷河南都尉後行太守事世祖卽位始爲河南尹封被
陽侯建武五年坐事免官明年辟揚州牧遷汝南太守推
用賢俊政稱異迹九年更封夜侯欽在郡教授數百人視
事九歲徵爲大司徒坐在汝南贓罪千餘萬發覺下獄諸

生守闕爲歛求哀者千餘人至有自髡剔者平原禮震年十七聞獄當斷馳之京師行到河內獲嘉縣自繫上書求代歛死曰伏見臣師大司徒歐陽歛學爲儒宗八世博士而以臧咎當伏重辜歛門單子幼未能傳學身死之後永爲廢絕上令陛下獲殺賢之議下使學者喪師資之益乞殺身以代歛命書奏而歛已死獄中歛掾陳元上書追訟之言甚切至帝乃賜棺木贈卹授賻練三千匹子復嗣後卒無子國除

歐陽

歐陽建字堅石世爲冀方右族雅有理思才藻美瞻擅名北州時人爲之語曰渤海赫赫歐陽堅石辟公府歷山陽令尚書郎馮翊太守甚得時譽及遇禍莫不悼惜之年三十餘臨命作詩文甚哀楚

氏姓譜

卷百五十一

十一尤

歐陽氏

吧

歐陽

歐陽顛字靖世長沙臨湘人也爲郡豪族祖景達梁代爲本州治中父僧寶屯騎校尉顛少質直有思理以言行篤信著聞於嶺表父喪毀瘠甚至家產累積悉讓諸兄州郡頻辟不應乃廬於麓山寺傍專精習業博通經史年三十其兄逼令從宦起家信武府中兵參軍遷平西郤陵王中兵參軍事梁左衛將軍蘭欽之少也與顛相善故顛常隨欽征討欽爲衡州仍除清遠太守欽南征夷獠擒陳文徹所獲不勝討獻大銅鼓累代所無顛預其功還爲直閣將軍仍除天門太守伐蠻左有功刺史廬陵王蕭續深嘉之引爲賓客欽征交州復啟顛同行欽度嶺以疾終顛除臨賀內史啟乞送欽喪還都然後之任時湘衡之界五十餘洞不賓啟令衡州刺史韋粲討之粲委顛爲都督悉皆平

珍粲啟梁武稱頌誠幹降詔褒賞仍加超武將軍征討廣
衡二州山賊侯景構逆粲自解還都征景以頌監衡州京
城陷後嶺南互相吞併蘭欽弟前高州刺史裕攻始興內
史蕭紹基奪其郡裕以兄欽與頌有舊遣招之頌不從乃
謂使云高州昆季隆顯莫非國恩今應赴難援都豈可自
爲跋扈及陳武帝入援京邑將至始興頌乃深自結託裕
遣兵攻頌武帝援之裕敗武帝以王懷明爲衡州刺史遷
頌爲始興內史武帝之討蔡路養李遷仕也頌率兵度嶺
以助武帝及路養等乎頌有功梁元帝承制以始興郡爲
東衡州以頌爲持節通直散騎常侍都督東衡州諸軍事
雲麾將軍東衡州刺史新豐縣伯邑四百戶侯景于元帝
遍問朝宰今天下始定極須良才卿各舉所知羣臣未有
對者帝曰吾已得一人侍中王哀進曰未審爲誰帝曰歐

氏姓譜

卷百五十一

十一

歐陽氏

四

陽頌公正有匡濟之才恐蕭廣州不肯致之乃授武州刺
史尋援郢州刺史欲令出嶺蕭勃留之不獲拜命尋授使
持節散騎常侍都督衡州諸軍事忠武將軍衡州刺史進
封始興縣侯時蕭勃在廣州兵彊位重元帝深患之遣王
琳代爲刺史琳已至小桂嶺勃遣其將孫瑒監州盡率部
下至始興避琳兵鋒頌別據一城不往謁勃閉門高壘亦
不拒戰勃怒遣兵襲頌盡收其貲財馬仗尋赦之還復其
所復與結盟荆州陷頌委質於勃及勃度嶺出南康以頌
爲前軍都督頓豫章之苦行難周文育擊破之擒送於武
帝武帝釋之深加接待蕭勃死後嶺南擾亂頌有聲南土
且與武帝有舊乃授頌使持節通直散騎常侍都督衡州
諸軍事安南將軍衡州刺史始興縣侯未至嶺南頌子統
已克定始興及頌至嶺皆攝伏仍進廣州盡有越地改授

都督廣交越成定明新高合羅愛建德宜黃利安石雙十
九州諸軍事鎮南將軍平越中郎將廣州刺史持節常侍
侯並如故王琳據有中流顧自海道及東嶺奉使不絕永
定三年進授散騎常侍增都督衡州諸軍事卽本號開府
儀同三司文帝嗣位進號征南將軍改封陽山郡公邑一
千五百戶又給鼓吹一部初交州刺史袁曇緩密以金五
百兩寄顧令以百兩還合浦太守龔薦爲四百兩付兒知矩
餘人弗之知也顧等爲蕭勃所破貲財並盡惟所寄金獨
在曇緩亦尋卒至是顧亦並依信還之時人莫不歎服其
重然諾如此時顧弟盛爲交州刺史次弟遂爲衡州刺史
合門顯貴名振南土又多致銅鼓生日獻奉珍異前後委
積頗有助於軍國焉顧以天嘉四年薨時年六十六贈侍
中車騎大將軍司空廣州刺史諡曰穆子紇嗣

氏姓譜

卷百五十一

二十九

歐陽氏

兗

歐陽詢字信本父紇陳廣州刺史以謀反誅詢當從坐匿
而免江總以故人子私養之貌寢悅敏悟絕人總教以書
記每讀輒數行同盡遂博貫經史仕隋爲太常博士高祖
徵時數與游旣卽位累擢給事中詢初倣王羲之書後險
勁過之因自名其體尺牘所傳人以爲法高麗嘗遣使求
之帝歎曰彼觀其書固謂形貌魁梧邪嘗行見索靖所書
碑觀之去數步復返及疲乃布坐至宿其傍三日乃得去
其所嗜類此貞觀初歷太子率更令宏文館學士封渤海
男卒年八十五子通

歐陽通字智永儀鳳中累遷中書舍人居母喪詔奪哀每
入朝徒跣及門夜復藉藁以寢非公事不語還家輒號慟
年飢未克葬居廬四年不釋服冬月家人以壇絮置置牀

在幕府秬爲辨質本之僞本終得罪其子秬拒命秬方休假還家秬表斥損時政或言秬爲之詔流崖州賜死臨刑色不撓爲書徧謝故人自誌墓人皆憐之

歐陽持高安人天復中進士爲太學博士昭宗遷洛持察朱全忠有異志遁歸西山楊行密奏除左拾遺未幾復歸

五代

歐陽彬永豐人仕南唐爲武昌令檢校右散騎常侍兼御史大夫性孝友鄉里稱之累贈中書令

歐陽儀彬子中南唐進士第父母皆在鄉里榮之命其鄉曰儒林里曰歐林坊曰其慶

歐陽廣吉水人武安節度使邊鎬昏懦無斷在湖南政出多門不合衆心廣上書言鎬非將帥才必喪湖南宜別擇良帥益兵以救其敗不報已而劉言龔鎬據之唐主思廣

氏姓譜

卷百五十一

二十九

歐陽氏

五

之言非本縣令

歐陽敷字華道鄧州南陽人後漢隱帝時爲中書舍人繼秉天雄軍節鉞周太祖時爲光祿大夫檢校尚書侍郎因兵亂避居九華山後又徙隱彭澤筠塘淳化間卒遂葬於其地子燧登咸平進士歷官常侍以父墓在縣遂家焉

六

歐陽迥華陽人父珽通泉令迥少事前蜀王府爲中書舍人隨至洛陽補秦州從事後蜀孟知祥復以爲中書舍人拜翰林學士知貢舉判太常寺遷禮吏二部侍郎領陵州刺史加承旨拜門下侍郎戶部尚書平章事監修蜀史嘗擬白居易諷諫詩五十篇以獻孟昶嘉美賚銀器錦綵歸朱爲右散騎常侍俄充翰林學士分司西京卒

歐陽觀字仲賓永豐人與弟暉同登進士歷潤綿二州推

官性仁孝歲時祭祀考妣涕泣如初喪治獄明慎矜惻每思求其生後任秦州判官卒以子修貴封崇國公

歐陽晧字日華爲隨州推官治獄之難決者三十六人奇峯寺僧以奸利致富轉運使命晧籍之僧致白金千兩爲饋晧笑而却之曰歲大凶汝有積穀六七萬能盡以輸官賑民則吾不汝籍僧喜諾盡輸之飢民賴以全活知桂陽有爭舟相毆至死者獄久不決晧出囚飲食之獨留一人曰汝持七以左手令死者傷在右肋此汝殺之明矣囚卽服罪歷知黃永二州以都官員外郎致仕

歐陽載字則之修仲父也淳化進士乙科真宗嘗自擇御史載以秘書丞召見見者數人皆自薦載獨立墀下無所說明日拜監察御史中丞王嗣宗指曰是獨立墀下者真御史也遷殿中侍御史出知泗州先是京師歲早有浮圖

氏姓譜

卷百五十一

十一

歐陽氏

五

人斷臂禱雨官爲起寺於龜山其勢傾動四方又誘民男女投淮水死曰佛之法用此得大利而愚民歲死淮水者幾百人臨溺時用其徒倡呼前後擁之以入至有自悔欲走者呼號不得免載閱之驚曰害有大於此邪盡捕其徒詰其姦民誅數人遣還鄉里者數百人遂毀其寺轉尙書司封員外郎三司戶部判官六年爲廣南東轉運使秩滿以一敝舟還無一海上物以足疾求知江州卒

歐陽修字永叔四歲而孤母鄭氏守節規誨之學家貧至以荻畫地學書幼敏悟過人一再讀輒成誦及冠嶷然有聲是時宋興且百年而文章體裁猶仍五季餘習鍤刻駢偶洵恣弗振學者固陋守舊論卑而氣弱自柳開穆修輩咸有意作興而力不足修始游隨得唐韓愈遺稿於廢篋中讀而慕焉苦志探蹟至忘寢食必欲并轡絕馳而追並

之試南宮第一登進士甲科調西京推官從尹洙爲古文
議論當世事迭相師友與梅堯臣歌詩相倡和各剋天下
召入爲館閣校勘高若訥不救范仲淹帥陝西辟掌書記修辭
彝陵令稍遷武城節度判官仲淹帥陝西辟掌書記修辭
曰昔者之舉非以爲利可同其退不可同其進也久之乃
復職進集賢校理慶歷三年擢知諫院值仁宗更化大臣
與諫官皆極一時之選修以言責自任風裁凜然帝虚心
延問咨所宜行事多張弛小人翕翕不便朋黨之論漸起
修恐善人不勝數爲帝分別言之人以其論事切直嫉視
如仇帝獨獎其敢言而賜五品服願侍臣曰如歐陽修者
何處得來命不待試越次除同修起居注知制誥奉使河
東議者欲廢麟州以省餽餉修奏麟州天險廢之則河內
郡縣皆不安居久宜分兵駐並河諸堡緩急得以應援平

氏姓譜

卷百五十一

十九

歐陽氏

五

時亦可省費於策爲便又奏令民耕析代苛嵐禁地廢田
朝廷從之歲得粟數百萬斛凡罷河東重斂民所不堪者
十數事還擢龍圖閣直學士河北都轉運使至則區處官
吏使能者盡力奏廣御河漕運造鎖伏船以絕侵盜置都
作於磁相一道兵械咸仰給焉富弼爲宣撫使時保州亂
兵已誅脅從二千人分隸諸郡弼恐生變欲同日誅之與
修遇於內黃語以故修曰禍莫大於殺已降况脅從乎旣
非朝命脫有不從爲變不細弼悟而止未幾杜衍韓琦仲
淹弼等相繼以黨議罷去修慨然上疏疏上忌之者益衆
因孤甥張氏獄傳致其罪左遷知滁州徙揚州滯外凡十
二年復官學士留守南京母憂除服召判流內銓入見帝
問勞甚至小人畏修復用乃詐爲修奏乞澄汰內侍以激
怒之出知同州吳充論救得免尋遷翰林學士充唐書表

志總裁奉使契丹特命四貴臣押宴諭曰此非常制以卿
名重耳嘉祐二年知貢舉時士子尚爲險怪奇澀之文號
太學體修痛排抑之場屋之習爲之一變加龍圖閣學士
知開封繼包拯之後簡易循理不求赫赫名京師亦治旬
月改羣牧使唐書成拜禮部侍郎封樂安郡開國侯仍兼
侍讀學士修居翰林八年知無不言會河決商胡宰相陳
執中主賈昌朝欲開橫壠故道回河東流支彥博主李仲
昌欲入六塔河議論不決修奏橫壠功大難成雖成將復
決六塔狹小不能受全河旁郡必罹其害不若因勢所趨
增隄峻防疏其下流縱使入海此數十年利也臺諫論執
中過惡修勸上不當拒忠言以庇愚相恐累盛德狄青爲
樞密使有威名帝不豫訛言籍籍修請出之於外以保終
始於是二人皆罷水災上疏又與韓琦同心協定建儲大

氏姓譜

卷百五十一

十一

歐陽氏

五

議英宗初立有疾左右交構兩宮幾成嫌隙修奏太后事
先帝數十年仁德著於天下昔溫成之寵尙處之裕如今
母子之間反不能容邪后意稍和修復奏后爲默然兩宮
和好如故修自居執政士大夫有所干請輒面諭可否遇
臺諫論事必詰其是非以是怨誹者衆會濮議起修引喪
服大記謂爲人後者爲其父母服降三年爲期而不沒父
母之名以見服可降而名不可沒也若本生之親改稱皇
伯歷考前世皆無典據進封大國又禮無加爵之道御史
呂誨等詆修執議不與衆同皆被逐惟蔣之奇議合薦爲
御史衆因目爲姦邪之奇患之思所以自解會修婦弟薛
宗孺有憾於修造帷薄不根之謗展轉達於中丞彭思永
思永以告之奇露章劾之修杜門請治神宗初卽位欲深
護修因訪故宮臣孫思恭思恭爲之辨釋帝使詰思永與

之奇問所從來二人辭窮坐黜修亦力求退罷爲刑部尙書觀文殿學士知亳州熙寧二年遷兵部尙書知青州修素以風節自持旣被污讎堅乞謝事優詔弗許及守青以請止散青苗錢爲安石所詆求歸愈切以太子少師致仕五年卒年六十六贈太子太師諡文忠生平天資剛勁見義勇爲與人言盡心無隱雖機穽在前觸發不顧放逐再三志氣自若始在滁號醉翁晚更號六一居士學者求見與語未嘗及文章惟談吏事謂文章止於潤身政事可以及物凡歷數郡多務寬簡不爲苛擾故所至民便之其所爲文天才自然豐約中度立言簡而明信而通引物連類折之於至理天下翕然師尊尤篤於友義生則振之死爲調護其家獎引後進如恐不及凡經賞識率爲聞人若曾鞏王安石三蘇方布衣屏處人未能知爲游其聲譽遂大

氏姓譜

卷百五十一

十九

歐陽氏

五五

顯於世刻意好古自周漢以降金石遺文斷編殘簡一切掇拾研稽異同立說印證爲稽古錄所撰五代史法嚴詞約多春秋遺旨軾叙其文曰論大道似韓愈論事似陸贄記事似司馬遷詩賦似李白識者以爲知言

歐陽發字伯和修子少好學得父之傳師事胡瑗聞古樂鐘律之說文詞議論獨探古始自書契以來君臣世系制度文物旁及天文地理靡不悉究不治科舉以蔭補將作監簿累遷殿中丞卒蘇軾哭之稱爲蔡伯喈張茂先之流歐陽棐字叔弼修子廣覽強記能文辭年十三見修著鳴蟬賦侍側不去修撫之曰兒異日能爲吾此賦否因書以遺之以蔭爲秘書正字中乙科調陳州判官因親老不仕父卒代草遺表如其自作服除爲審官主簿累遷職方員外郎知襄州以忤曾布婦兄魏泰徙知潞州元符末還朝

歷吏部左司郎中直秘閣知蔡州坐黨籍廢

歐陽澈字德明崇仁人年少美鬚眉善談世事尙氣大言慷慨不少屈憂國閔時出於天性靖康初應制條徹政陳安邊禦敵十策復采朝廷闕失政令乖違可爲保邦裕後之方去蠹國殘民之賊者十事爲書置三巨軸徒步走行在土封事極詆用事大臣并宮掖事帝謂不實遂乘間抵死時年三十七許翰在政府問黃潛善處分何人曰斬陳東歐陽澈耳翰驚失色因究其書何以不下政府曰書獨下潛善所故不得相視遂力求罷爲二人著哀辭四明李猷贖瘞其尸識與不識皆流涕焉明日庾曰事潛善陽青以何不闕白微示慍色以明非出己意越三年高宗感悟並追贈承事郎東無子官有服親一人駕過鎮江遣守臣祭東墓賜緡錢五百緡興四年再加朝奉郎並秘閣修撰

氏姓譜

卷百五十一

十一

歐陽氏

五

澈一子令州縣撫其家再官其後二人賜田十頃澈所著有飄然集六卷會稽胡衍刻之豐城范應鈴爲立祠學中歐陽守道字公權初名巽字狂父吉州人以德行稱少孤貧自力於學里人聘爲塾師以無資養母不肯食肉主人覺之爲設一器先以奉母然後食見者無不歎息年未三十翁然爲鄉郡儒宗登淳祐進士授雲都主簿母憂服除調贛州司戶江萬里聘主白鷺洲書院又副湖南吳子良嶽麓書院山長以萬里薦爲史館檢閱召試授秘書正字安南陳日照傳位其子求封太上國王守道議以爲太上者漢高帝以尊其父累代未之有改宜許太爲老字如南越尉佗自稱蠻夸大長老側或去上字存太字如周禮太宰太史太卜太祝太樂太僕之類從之遷校書郎兼景憲府教授轉對言欲天下家給人足必使中外臣庶無復重

日言利之風而後風化可行吾欲化之以儉而彼不爲儉
惟有卑宮室菲飲食化之以廉而彼不興廉惟有不貴難
得之貨不厚無益之藏俄以言罷徒步出錢塘門惟書兩
篋而已尋聞理宗遺詔與其徒相向哭踊僮奴孺子皆爲
悲哀咸淳三年特旨與祠會少傅呂文德舉賢才凡九十
六人守道預焉添差通判建昌軍以書辭不聽久之由著
作郎兼崇政殿說書經筵所進皆切於當世務上爲動色
終都官郎中著有集若干卷

歐陽珣字全美吉州廬陵人崇寧進士調忠州學教授南
安軍司錄知鹽官縣以薦上京師遇國難及出使加將作
監丞金人犯京師朝議割河北絳磁深三鎮地講和珣率
其友九人上書極言祖宗之地尺寸不可以與人及事急
會羣臣議珣復抗論當與力戰戰敗而失其地它日取之

氏姓譜

卷百五十一

十一

歐陽氏

七

直不戰而割其地它日取之曲時宰怒欲殺珣乃遣珣奉
使割深州珣至深州城下慟哭謂城上人曰朝廷爲姦臣
所誤至此吾已辨一死來矣汝等宜勉爲忠義報金人怒
執送燕焚死之

歐陽鈇字伯威廬陵人少負氣節有文章其詩騷最工能
發前人闕鍵楊誠齋愛其詞至手抄警句誦之王庭珪劉
永弼楊愿每以孟襄陽賈長江相比蓋一時人豪也

歐陽斗南安福人性質宿尚風節時秦檜專政斗南上書
言國事伏闕下三日不納斗南退宿旅舍束草爲人以書
置手中設祭其前鑰門而去後爲舍人所首檜怒甚移文
大索不可得

歐陽晏

一作杲字彥昭永新人隆興初任新化主簿嘗著

盡心錄以見志年方壯遽請致仕時宰固留之不可遣之

書謂古今所難而獨易爲之高風凜然足以律貪激懦及卒胡忠簡銓志其墓

歐陽椿字永年分宜人紹興中進士瑞金縣簿稍遷至道州判官改臨江軍轉儒林郎永州教授進通直郎賜緋魚服未老以奉議郎致仕蕭散林泉號宜林老人有自備集行於世

歐陽程營道人少貧爲郡吏郡後有池常淬鐵爲戎器治鐵作池柱亭其旁一日太守於吏牘間得副紙紀池亭之勝有寒影倒吞凌漢樹冷光高浴半天星之句問知爲程語大驚異之與之金使歸爲學登進士累官屯田員外郎歐陽元量字宏中新喻人少有遠志嘗與弟昌邦入青原山著決勝兵要經進於上時傳雱通訊兩官奏與俱假從事郎以行使還自寧鄉令轉陽山令紹興間有盜黃三夏

氏姓譜

卷百五十一

十九

歐陽氏

五

謀結猺獠三延爲暴元量率三鄉民兵夜屯富連巖佛寺期至明破賊賊出不意夜劫其寺元量與戰不利被執而死民悼之立祠寺北

歐陽光祖字慶祠崇安人九歲能文時人目爲童瑞從劉子翬朱熹就學子翬甚稱重之熹亦遣三子師事焉乾道八年再舉登第趙汝愚張栻列薦於朝方欲召用而汝愚去國光祖賦詩有曰曰髮駮駮吾老矣名場從此欲投簪熹和之曰江山風月依然在何日重來再合簪後爲江西運管致仕

歐陽闔字晦夫靈川人宋至和間與弟簡同學詩於梅聖俞之門久之晦夫歸梅贈之詩有云吾家無梧桐安可久留鳳意甚稱許元祐六年闔舉進士任雷州石康令時東坡南遷見梅所贈詩大歎曰君年六十餘尙少一歲然曰

髮盈頭畧用似君吏隱一隅視余困窮亦不相遠矣後遣人送軾接籬巾琴枕軾以詩謝之詞甚懇至闕任石康六年乞休歸行李蕭然居無完壁嘗誅茅爲舍樂琴書於其中將終身焉爲唐少卿著遇仙傳

歐陽新吉水人寓居長沙聞宗人歐陽守道至往訪之初猶未識也晤語相契守道卽請於轉運副使吳子良禮新爲嶽麓書院講書新講禮記天降時雨山川出雲一章守道起曰長沙自有仲齊吾何爲至此仲齊新字也

元

歐陽元字原功其先家廬陵後遷潭州之瀏陽幼岐嶷母李氏親授孝經論語小學諸書八歲能成誦始從鄉先生張貫之學卽知屬文生十歲有黃冠者見之曰是見神氣凝遠目光射人當以文章冠世部使者行縣以諸生見命

氏姓譜

卷百五十一

十九

歐陽氏

五

賦梅花詩立成十首晚歸增至百首見者異之稍長益從宋遺老習爲詞章經史百家靡不研究伊洛諸儒源委尤爲淹貫成仁宗延祐首科進士授平江州同知調蕪湖尹數決疑獄教化大行飛蝗不入其境尋調武岡尹縣當蠻獠雜居甫至赤水太清兩洞聚衆相攻元單騎馳諭衆棄兵仗羅拜曰我曹非不畏法蓋嘗訴事於縣縣官不爲直致發憤爭殺耳因諭以禍福歸理其訟獠人遂安入爲國子博士累遷翰林待制兼國史院編修官文宗天歷初軍興旁午元日直內廷凡遠近調發制詔書檄以至郊廟建后立儲肆赦之文皆出其手初置奎章閣學士院又置藝文監隸焉文宗親署爲藝文少監纂修經世大典元言孔思瞻襲封衍聖公爵最五等秩登三品而用四品銅章不稱帝是其言改鑄從三品印給之順帝元統初歷僉太常

禮儀院事拜翰林直學士編纂四朝實錄俄兼國子祭酒
至元五年以翰林學士告歸詔修宋遼金三史起爲總裁
官發凡舉例俾論撰者有所據依史官中有露才負氣持
議不公元不以口舌爭俟其呈稿援筆竄定往往媿服至
論贊表奏皆親自屬筆起拜翰林學士承旨以足疾屢求
退不允除福建廉訪使中途乞休作南山隱居有終焉之
志復拜承旨力辭不獲奉勅定國律尋乞休陳情懇切特
授湖廣右丞致仕將行復降旨不允汝穎盜起蔓延南北
元獻招捕策千餘言當事不能用久之得致仕以中原道
梗欲由蜀還鄉帝復不允時將大赦召元草詔久病不能
行命肩輿至延春閣實異數云卒年八十五追封楚國公
諡曰文元歷官四十餘年三任成均兩官祭酒六入翰林
三拜承旨兩知貢舉預修實錄大典三史金縢上尊之賜

氏姓譜

卷百五十一

十一九

歐陽氏

李

幾無虛歲海內各山大川懌老之宮王公貴人墓隧之石
藉其片言爭爲瑤重有圭齋集行世

明

歐陽銘字日新泰和人以薦除江都縣丞兵燹後民死徙
者十七入銘招徠拊循漸次復業有繼母告子不孝者呼
至案前委曲開譬母子泣謝去卒以慈孝稱嘗治廨後隙
地得白金百兩會部符徵漆卽市之以輸遷知臨淄常遇
春師過其境卒入民間取酒相毆擊一市盡誹銘咎而遣
之卒訴令罵將軍遇春詰之曰卒王師民亦王民也民毆
且死卒不當咎邪銘雖愚何至詈將軍將軍大賢奈何私
一卒撻國法遇春意解爲責軍士以謝後大將軍徐達至
軍士相戒曰是健吏會抗常將軍者毋犯也銘爲治廉靜
平恕暇輒進諸生講文藝或單騎行田間課耕穫邑大治

秩滿入覲卒

歐陽鐸字崇道泰和人正德三年進士授行人上書極論時政不報使蜀府王厚遣之不受歷工部郎中改南兵部出爲延平知府戡淫祠數十百所以其材葺學宮司禮太監蕭敬家奴殺人置之法調福州議均徭曰郡多士大夫其士大夫又多田產民有產者無幾耳而役則盡責之民請分民半役士大夫率不便巡按御史汙珊力持之議乃行嘉靖三年擢廣東提學副使累遷南京光祿卿歷右副都御史巡撫應天十府蘇松田不甚相懸下者畝五升上者至二十倍鐸令賦最重者減耗米派輕瘠最輕者徵本色增耗米陰輕重之賦乃均諸推收田從圩而不從戶詭竒無所容州縣荒田四千四百餘頃歲勒民償賦鐸以所清漏賦及他奇羨補之議徭役及裁郵置費凡數十百條

氏姓譜

卷百五十一

十一

歐陽天

六一

民皆稱便遷南京兵部侍郎進吏部右侍郎九廟災自陳去鐸有文學內行修潔仕雖通顯家具蕭然卒贈工部尙書謚恭簡

歐陽重

字子重廬陵人正德三年進士殿試對策歷詆闕

政授刑部主事劉瑾兄死百官往弔重不往張銳錢寧掌廠衛連搆搢紳獄重皆力與爭銳等假他事繫之獄贖杖還職仍停俸再遷郎中歷四川雲南提學副使遷浙江按察使未上嘉靖六年春拜右僉都御史巡撫應天會尋甸工酋安銓鳳朝文反廷議以重諳滇事乃改雲南初武定王知府鳳詔母子坐事留雲南朝文給其衆言詔已戮官軍將盡滅其部黨以故諸蠻悉從爲亂攻圍會城重督兵擊敗之而遣詔母子還故地其黨愕相率歸之朝文計窮絕晉波河走追兵至藏焉銓逃尋甸故巢官軍攻破其營

執銓賊盡乎乃散其黨二萬人遷尋甸府於鳳梧山下更設守禦千戶所重推功於前撫臣傅習並進秩任子緬甸木邦隴川孟密孟養諸酋相讐殺各許奏於朝下重等勘覆遣參政王汝舟知府嚴時泰等遍歷諸蠻譬以禍福皆還侵地供貢如故重列善後數事悉報可賜璽書褒諭重乃卹創殘振貧乏輕徭賦規畫鹽鐵商稅屯田諸務民便之雲南歲貢金千兩費不貲大理太和蒼山產奇石鎮守中官遣軍匠攻鑿山崩壓死無算重皆疏罷之浮費大省當是時鎮守太監杜唐黔國公沐紹勛相比爲奸利長吏不敢問羣盜由此起重疏言盜率唐紹勛莊戶請究主者又奏紹勛任千戶何經廣誘奸人奪民產唐沒占官軍歲取財萬計因極言鎮守中官宜革帝頗納其言頻下詔飭紹勛命唐還京待勘二人懼且怒遣人結張璉謀去重會

氏姓譜

卷百五十一

十九

歐陽氏

六一

重奉命清異姓冒軍弊都司久未報給餉後期唐等遂嗾六衛軍誹於軍門巡按御史劉臬以聞劾重及唐紹勛處置失當璉從中主之解重職責臬黨庇調外任唐紹勛不問都給事中夏言等抗章帝怒奪言等俸重罷歸在道聞御史王化劾其爲桂萼黨不勝忿抗疏陳辨請錄大禮大獄被逐諸臣而自乞禠職又言得紹勛所遣百戶丁鎮私書知行賄張璉乞其覆護璉奸佞不宜在左右璉疏辨帝以重失職怨望黜爲民重以臬被謫言等奪俸皆由已致之復疏乞重譴代言官罪帝益怒以已除名置不問重家居二十餘年言者累薦竟不復召

歐陽德

字崇一泰和人甫冠舉鄉試之贛州從王守仁學

不應會試者再嘉靖二年策問陰詆守仁德與魏良弼等

直發師訓無所阿竟登第除知六安州建龍津書院聚生

徒論學入爲刑部員外郎六年詔簡朝士有學行者爲翰林乃改德編修遷南京國子司業作講亭進諸生與四方學者論道其中尋改南京尙寶卿召爲太僕少卿以便養復改南京鴻臚卿父憂服闋留養其母與鄒守益聶豹羅洪先日講學以薦起故官累遷吏部左侍郎兼學士掌詹事府母憂歸服未闋卽用爲禮部尙書喪畢之官命直無逸殿時儲位久虛帝惑陶仲文二龍不相見之說諱言建儲德懇請會有詔二王出邸同日婚德以裕王儲貳不宜出外疏諫帝不許又言帝不悅曰旣云王禮自有典制如若言何不竟行冊立邪德卽具冊立儀上帝滋不悅然終諒其誠婚亦竟不同日裕王母康妃杜氏薨德請用成化朝紀淑妃故事不從德遇事侃侃裁制諸宗藩尤有執或當利害衆相顧色戰德意氣自如當是時德與徐階聶豹

氏姓譜

卷百五十一

十一

歐陽氏

六三

程文德竝以宿學都顯位於是集四方名士於靈濟宮與論良知之學赴者五千人都城講學之會於斯爲盛德器宇溫粹學務實踐不尙空虚晚見知於帝將柄用而德遽卒贈太子少保諡文莊

歐陽瑜字汝重德之族人亦學於王守仁守仁教之曰常欲然無自是而已瑜終身踐之舉於鄉不就會試曰老親在三公不與易也母死廬墓側虎環廬嗥不爲動歷官四川參議所至有廉惠聲年近九十而卒

歐陽貞字元春分宜人從學士揭傒斯鄉進士夏鎮學工古文元季退不仕洪武初以易經魁江西鄉試授考城主簿改扶溝以老歸所著有周易問辨三十卷史提鉤七十卷餘學初集龍江叢稿東齋寓錄貧樂集自號石戶農

歐陽謙字伯益沔陽人舉明經授耀州學生陞監察御史

改編修轉考功郎中優於文學所著有滄浪集

歐陽恂安福人正德中知常德府性鯁政尙簡易務節省民力時洪水決隄悉心修築民困以蘇捐俸入覲秋毫無所犯治行爲闔省第一

歐陽興景泰間知南平縣性簡靜廉介爲政先德化而後鞭朴民以事訟於庭諄諄諭之以理俾之能自悟有古循吏風

歐陽旦安福人成化十七年進士授休寧令厚風俗興學政擢監察御史民懷遺愛生祠祀之宏治初條陳時事上多采納以副使提督浙江學政敷教以寬後累官南京都察院右副都御史歷任三十餘年清節始終一致弟哲登成化甲辰進士廣東提學僉事才行實相伯仲云

歐陽柟潛江人事親篤孝一日羣寇入室獲其父擬以身

氏姓譜

卷百五十一

十一尤

歐陽氏

六

代賊怒斷指流血父賴免及官德興卽多善政值巨賊全祥橫殲江漢率兵俘賊行陣中卻上賜金一百以振民邑爲建亭義之

歐陽春郴州人幼孤事母孝母病躬湯藥達旦弗寐以歲貢任全州訓導薦轉魯府伴讀春性忠厚不彰人過嘗有盜竊其家春見之却立不進亦終不發其事

歐陽州字汝行恭城人性篤友恭事繼母孝領隆慶壬申歲薦選東莞縣丞有能績署堂義一載不事苞苴尋致仕歸合邑立碑年八十終

歐陽宣和桂陽州人居父喪廬墓三年母久患篤疾衣不解帶遂究心醫術以孝養終其身

歐陽東鳳字千仞潛江人年十四喪父哀毀骨立母病暈血跪而食之舉於鄉縣令憫其貧遺以田二百畝謝不受

萬曆十七年成進士除興化知縣大水壞隄請振於上賞
不應遂自疏於朝坐越奏停俸然竟如所請累遷南京刑
部郎中擢平樂知縣撫諭生徭皆相親如子弟因白督學
監司擇其俊秀者入學徭漸知禮讓稅使橫行東鳳力抗
之以才調常州布幄瓦器胥吏不能牟一錢禽奸人劇盜
且盡顧憲成輩講學爲建東林書院居四年謝事歸起山
西副使擢南京太僕少卿並辭不受卒於家

歐陽蒙武岡人官鄱縣主簿性沉篤少孤事祖母以孝聞
母沒廬墓三年著思親錄及家訓爲後嗣法

歐陽植陝西人長葛教諭崇正十四年賊陷城知縣迎降
植痛哭自奮與舉人孟良屏貢生黃朝聘生員張範孔等
抗志殺賊分城拒守賊眾益至猶巷戰俱被禽同時死者
一百三十八人

氏姓譜 卷百五十一 十一九 歐陽氏 五

歐陽震仁澤鄉人事親克孝成化中父喪哀毀幾絕旣葬
廬於墓側朝夕哭泣無時縣令何欽憐其事躬至廬次嘉
歎久之遂以名聞

歐陽寧仁澤鄉新開塘人少喪父事母何氏晨昏將順皆
得其歡心且兄弟怡怡雖一飯不忍違區區財利淡如也
嫂性僻能不拂其意因字之如子而忘其爲叔繼娶王氏
視前生猶已出人稱其家子道弟道妻道母道戚無愧焉
歐陽璇仁澤鄉人至性友愛家無私蓄任延山寨巡檢時
其弟拔其諸子均產每據膏腴璇聞之徐示其諸子曰彼
賊者無能致力矣爾能糞耘歲計所收自當過之與其弟
相愛如初人皆歎服

歐陽森仁澤鄉人家素貧兄弟常更衣出入有連袍之謂
聞之未嘗介意後致巨富性恬淡寬平居恒無疾言遠色

故所在稱之年七十五卒

歐陽熹縣庠生事母純孝年六十餘孺慕不衰母老多病
熹宿榻右侍湯藥至溺穢必親滌之母卒泣血三年塋祭
盡禮鄉人稱之

歷代列女

歐陽氏廬陵人文天祥妻從天祥遭流離干戈中絕無愠
尤自天祥空坑之敗歐陽氏與佛生等皆為俘鹵一路求
死不得入都時服道冠敝衣日誦道經比天祥受刑明日
歐陽氏得旨收屍與江南十義士奉柩塋於都城小南門
外後歸故里以元大德九年乙巳二月得痰疾卒

歐陽氏安福人劉生妻紹興中劉生以事出有惡少來欲
侵凌之歐陽氏不受辱而死邑人劉寬作詩弔之

歐陽氏名壽娘吉水人羅韞匱妻年二十五夫亡長子篤

氏姓譜

卷百五十一

十一

歐陽氏

六

温方三歲次篤良尚在娠越四月而生壽娘撫二孤守節
薦温娶歐陽氏西貞生子期年而亡篤良娶袁氏蘭秀生
子五歲而卒妯娌相告曰姑為節婦我屬可改節乎乃協
力共守姑年六十而卒西貞年幾九十卒蘭秀年五十五
卒

歐陽氏永新人李輔妻早寡無子誓不改適歸母家依弟
姪以居其弟姪之婦凡寡居者皆慕其節至十餘人

歐陽氏安福人王良相妻年十八夫死姑老且病子翰生
甫七月氏誓死守節事姑盡孝姑臨沒連呼之曰孝婦孝

婦節歷聞旌表

歐陽氏安福人蕭烟妻烟卒撫孤世瓘姑病湯藥必親年
五十祭酒鄒守益著節壽堂銘表之其姪世琢妻劉氏年

三十夫死無子亦以節終

歐陽氏劉龍至妻安福人龍至弱冠卒歐陽矢志上奉舅姑下撫孤子以壽終郭維經志其墓子岱天啟丁卯舉於鄉博學有才名

歐陽氏泰和人楊赤鉉妻年二十夫亡撫孤仁愿登崇正申戊進士官御史請於朝奉勅建坊壽七十二而終

歐陽氏李士開妻妾宋氏吉水人士開早卒宋有子在襁褓歐陽撫之相依守節教子力學御史上其事建雙節坊歐陽氏贛州劉德潤妻年二十餘夫亡遺一子玉輝先是玉輝曾祖母廖祖母蕭相繼廢居至歐陽氏三世清節危操歐陽茹辛食苦養姑教子孝慈尤著洪武末旌表時稱三節世家

歐陽氏二節婦歐陽坤妻鄒氏餘慶人坤卒鄒年二十八守節撫孤銘讀書遊泮萬歷間奉旨旌表年八十終媳聶

氏姓譜

卷百五十一

十一

歐陽氏

七

氏年二十七銘卒無子誓死不二人稱歐陽門雙節

歐陽氏字妙聰彭澤縣民永暄之女暄妻生妙聰及男子四人而永暄卒久之喪其二男暄妻不勝痛嘆曰嗟乎四子而天奪其二其存者亦安可必我其終老無所依怙而藐焉孤誰撫立之妙聰泣涕跪母前掠髮自誓願養母於是謝媒妁與母朝夕家貧尤孝母以哭失明妙聰朝夕奉侍左右焚香籲天日以復明母年八十且死以手授妙聰曰汝女身而丈夫行負汝青春我之過也我死汝宜適人勿泥前誓妙聰謝之母卒三年服除鄰母來勸妙聰適人妙聰曰如前誓何吾弟有子何患無依遂絕鄰母正德十年旌表

歐陽氏威州守歐陽經女適平樂郡庠生莫希夔夔死氏方二十一歲孝事繼姑郡孝廉慕其賢以聘禮進氏怫然

盡擲之堅志苦守繼姑終所餘產屋盡爲族人侵占結茅以棲紡績自活茹荼凡六十年乃終

歐陽氏名晚香宜章人里中黃生者聘之而天晚香年十五父母欲更許人齧指出血因泣而言曰一女息可重婚二姓乎遂堅自矢通判山香攝縣事獎之以詩

歐陽氏桂陽州人何佃妻也佃登嘉靖辛酉鄉薦丙寅卒氏年二十三妾龐氏年十九其寢處守節數十年撫姪爲後州守爲建雙坊

歐陽氏湘潭人唐世起妻也張獻忠之亂世起及妻子俱爲賊所得歐陽氏語世起曰汝與予逸去我自爲計明日賊詰之以實告怒而殺之閱一月其子覓至尸所面如生

歐陽氏新化人張洪妻也洪亡氏年二十八子隆芳皆幼氏勵節孝養姑嫜督訓二子隆芳後爲定遠令氏年九十

四卒
歐陽氏邵陽人劉文標妻夫婦爲賊所掠歐陽給卒縱其夫取金以獻卒信之夫得脫度行已遠拔刀自刎

歐陽氏衡山人董惟嶽妻流寇夜焚其家惟嶽闖死氏率子弟敵賊不勝奮身赴火死

歐陽氏名金貞江夏人父梧授孝經列女傳稍長字羅欽仰從梧之官柘城梧艱歸舟次儀真欽仰墜水死金貞年甫十四驚哭欲赴水從之父母持不許又欲自縊父母曰爾未嫁何得爾對曰女自分無活理卽如父母言願終身

稱未亡人大聲哀號不止及殮翦髮繫夫右臂以殉抵家告父母曰有婦以事姑也姑旣失子可并令無婦乎願歸

羅以畢所事父母從之後父知廣元縣姑病卒女乃歸寧有諷他適者曰事姑畢矣更何待女曰我昔殮羅郎時有

二束髮纏其手誰能掘冢開棺取髮還我則易志矣遂止
生平獨臥一樓年六十餘卒

歐侯氏

漢有歐侯氏見容齋隨筆

仇吾氏

韓子云仇吾國為智伯所滅因氏焉

侯岡氏

春秋元命苞蒼頡姓侯岡氏

樓季氏

姬姓晉穆公庶子樓季之後

修魚氏

史記秦嬴有修魚氏

游棣氏

氏姓譜

卷百五十一

十一

歐侯氏至

充

英賢傳游棣子著書一篇言法家事

鈞弋氏

英賢傳漢昭帝母鈞弋夫人又為鈞弋氏神仙傳有鈞

弋君

投壺氏

中行穆子相晉侯投壺而生子因以為氏

下平聲

十一

箴尹氏

畢姓楚箴尹克黃之後

林閭氏

贏姓林閭翁儒蜀人博學能文見文章志

金留氏

見姓苑

三鳥氏

風俗通凡氏干職三鳥五鹿有三鳥大夫因氏焉三鳥羣漢上郡計

南宮氏

姬姓孟僖子之後也或言文王四友南宮子之後宋有南宮長萬孔子弟子南宮縚魯人宋天聖登科南宮誠慶歷有南宮觀洪州人紹興有南宮瑞

歷代名賢

同

南宮括尚書大傳括與散宜生闕天俱學乎太公太公見三子之為賢人遂酌酒切脯約為朋友望曰嗟乎西伯賢君也四子遂見西伯於姜里史記武王克殷命括散鹿臺

氏生普

卷百五十一

十三覃

南宮氏至

七

之財發鉅橋之粟以振貧弱萌隸

南宮适即南容字子容又名縚魯孟僖子之子孟懿子之弟仲孫閱也居南宮因姓焉又曰南宮敬叔云南容以智自將世清不廢世濁不汙獨居思仁公言以義孔子以為異之初僖子將卒屬南宮敬叔與懿子於夫子使事之而學禮焉故懿子與敬叔師事仲尼初敬叔以富得罪於定公奔衛後反載其寶以朝夫子聞之曰若是其貨也喪不如速貧之愈也子游侍曰敢問何謂孔子曰富而不好禮殃也敬叔以富喪矣而又弗改吾懼其有後患也敬叔聞之遂循禮施散焉哀公三年五月辛卯司鐸火踰公宮救火老皆曰顧府南宮敬叔至命周人出御書俟於宮故子服景伯遂命宰人出禮書惟是周禮在魯而典籍尚存者敬叔之力為多也孔子問禮於老聃與敬叔俱至周及去

周老子送子以言敬叔獲與聞之遂三復白圭云

宋

南宮靖二字仲靖分寧人端平進士嘗著小學史斷二卷
謂作史者當於莊襄之元年東周既滅特書周亡然後進
秦使接周統於莊襄之季年呂政嗣立特書秦亡然後正
其姓氏別為後秦斯實錄矣今東周未滅遽進昭襄之秦
呂政嗣立猶冒嬴秦之姓於周則絕之如恐其不亟於秦
則進之如恐不及是非逆置謂之何哉其持論如此自號
坡山主人

南郭氏

莊子有南郭子綦左傳有南郭且干南郭偃

南鄉氏

晋高士居隱南鄉因氏焉南鄉槐漢羽林左監

氏姓譜

卷百五十一

十三覃

南宮氏至

七

南公氏

戰國時有南公子著書三十一篇言五行陰陽事蓋衛
南公子之後

邯鄲氏

嬴姓趙穿食邑邯鄲因為氏邯鄲勝晋大夫邯鄲義
漢廷尉邯鄲商武威刺史邯鄲超晋殿中將軍

一歷代名賢

三國

邯鄲淳潁川人一名竺字子叔博學有才章又善蒼雅蟲
篆許氏字指初平時從三輔客荊州荊州內附曹操素聞
其名召與相見甚敬異之時五官將博延英儒亦宿聞淳
名因啟淳欲使在文學官屬中會臨苗侯曹植亦求淳操
遣淳詣植植初得淳甚喜延入坐不先與談時天暑熱植

因呼常從取水自灑訖謂淳曰邯鄲生何如邪於是乃更著衣憤整儀容與淳計說混元浩大之端品物區別之意然後論羲皇以來賢聖各臣烈士優劣之差次頌古今文章賦誅及時政事宜所先又論用行兵倚仗之勢乃命屬宰酒炙交至坐席默然無與侘者及暮淳歸對其所知歎植之材謂之天人而於時世子未立操俄有意於植而淳屢稱植材由是五官將頗不悅及黃初初以淳爲給事中淳作投壺賦千餘言奏之不以為工賜帛千匹

澹臺氏

見風俗通澹臺恭漢博士

歷代名賢

同

澹臺滅明字子羽魯武城人狀貌甚醜夫子以爲材薄既

氏姓譜

卷百五十一

十三

邯鄲氏至

七

受業退而修行行不由徑非公事不見鄉大夫南游至江弟子從者三百人說取與去就各施乎諸侯夫子聞之曰吾以貌取人失之子羽

漢

澹臺敬伯會稽人受業於淮陽薛漢習韓詩以章句著名

三閭氏

辛姓楚屈原爲三閭大夫因氏焉

南門氏

見姓苑

甘士氏

周甘平公爲正卿士因氏焉

三邱氏

蜀志有三邱務

三州氏

孝子傳有三州昏

南野氏

見姓苑

三苗氏

姜姓炎帝之後為侯國因氏焉

南伯氏

莊子有南伯子綦南伯子綦竝古之賢人也

藍尹氏

楚大夫藍尹亶之後

三飯氏

三飯繚之後

南史氏

氏姓譜

卷百五十一

十三

三州氏至 七三

齊有南史氏其後子孫氏焉按南史氏者齊史也崔杼弑莊公太史書曰崔杼弑其君杼殺之其弟嗣書而死者二人其弟又書乃舍之南史氏聞太史盡死執簡以往聞既書矣乃還

南榮氏

南榮疇見古今人表又南榮越見莊子

下平聲

十四

瞻瞻葛氏

英賢傳有熊氏之後瞻葛祁宋大夫

黔婁氏

烈士傳黔婁先生古賢士詳見上黔婁

古尹氏

古尹應

下子

咸邱

函氏

晋大夫范皋夷食采函與因氏焉

函治氏

英賢傳函治子覺後漢黃門侍郎

氏姓譜

卷百五十一

十五咸

咸邱氏至

志

巨 姓譜卷百五十一終

